




**МАТВЕЙСЯНЬ  
БУРВИСЬТАЛӚМ**



# МАТВЕЙСЯНЬ БУРВИСЪТАЛӦМ

Евангелие  
на коми-зырянском языке



Институт Переводов Библии  
1979



## II

Вуджоддöма Синодальнöй да выльысь вуджоддöм роч Евангелльöяс выльысь, сідзи жö отсöгөн вöліны: Украинскöй, Немецкöй, Эстонскöй да Финскöй Евангелльöяс.

Гөгөрвотöминъяс тöдмөдöма Греческöй да Еврейскöй Евангелльö выльысь.

## МЫЙ ЭМ ЕВАНГЕЛЛЬӨЛӨН ПОДУЛЫС?

Ичөтик пасйөд

**ЕВАНГЕЛЛЬӨ** кылыс лоө: **БУР ЮӨР** либө **БУРВИСЬТАЛӨМ**.

**НОВЫЙ ЗАВЕТ** — кодөс гижөма Коми кыв вылын **ВЫЛЬ КӨСЙЫСЬӨМ**, — ни рочнас, ни коминас абу дзик стөч. Лоас матынджык Греческөй либө Еврейскөй кывъяс вылын тадзи: Ен Царстволөн подулус, либө: Та вылө сувтөдөма Енлөн Царствосө.

Ен Царство йылысь Бур Юөр висьталіс Господь Исус Христос, Кодөс Ен мөдөдіс корны йөзөс Аслас Царствоө.

Медым пырны Енлөн Царствоө колө:

1. Бергөдчыны лөк мывкыдысь бур мывкыдө, лөколасногысь — буроласногө.
2. Веритны Исус Христослөн велөдөмө сідзи, медым овны Сылөн велөдөм серти.
3. Мезмыны ас пытшса лөксыс, медым сьөлөмыд тыри бурөн.
4. Петны пемыдсьыс югыдө.
5. Вуджны кулөмысь олөмө.
6. Ылалөм туй вылысь сувтны Енлөн веськыд туй вылө.
7. Дугдыны овны вир-яйлы вылө, пондыны овны ловлы вылө.

## IV

8. Кольны ассыд кёсийомтё, овны Енкөд өтыв Сылөн бур кёсийом серти.

9. Енкөд өтывтчысь пыр ёнджыка и ёнджыка любитё быдёнөс.

10. Енкөд өтыв олысь вөчө ставсё, мый кёсийё Ен, и тёдө Сылысь бур кёсийомсё ловнас.

11. Пыр юасьё Енлысь и сёрнитё Сыкөд, кызди челядь муса Батькөд, аслас дугдывтөг кевмысьомын.

12. Тайё ставыс лоё таын:

Мезмыны дьявол кипод улысь и пырны Ен пытшкё.

Тайё Бур Юөрсё, лёксыс бурас вуджёмсё, гижисны Апостольяс, Исус Христослөн велөдчысьяс, кодъясёс бөрйис Ачыс Исус Христос Мв. 10, 1—4. Лк. 6, 13. Ин. 15, 16.

Исус Христослөн гөра вылын восьса сёрниён бурвисьталём серти зумыда сувтөдөма ставнас Евангелльёсо.

Кодёс гижёма Матвейлөн 5, 6 и 7 юрвизьясын.

Тайё Бурвисьталёмыс, кызди ловъя сёлём, кысянь мунёни став вир сөнъяс Евангелльё пасьта, медым лёкас вошөм мортөс ловзёдны и петкөдны бурас и югыдас.

Исус Христос висьталё: Менам Кывъяс эм Лов и Олём Ин. 6,63.

Тадзи оліс и вөчис Ачыс Исус Христос Ин. 8,46.

Евангелльё серти олісны Апостольяс 1 Ин. 3,6.

Та вөсна быдөн, Енлөн Царствоё пырысьяс олёны Евангелльё серти, кызди гижёма: Бы-

дөн, кодос нуодө Енлөн Лолыс, найө Енлөн челядь. Рим. 8,14.

Медым вермим төдны асьнымос, олам-ө ми Енлөн буркөсийом серти, кокныда поэьө төдмавны, ортсысянь: Исус Христослөн велөдөм серти; пытшкөссиянь: Енлөн Ловкөд өтвывтчөм серти. Рим. 8,16.

А медым овны Христослөн Тшөктөмъяс серти, колө овны Христоскөд өтвыв, кыдзи гижөма: лоёй Ме пытшкынось и Ме тиян пытшкын. Ин. 15,4.

Исус Христослөн Тшөктөмъяслы веритысь и Сыкөд өти Лолө өтвывтчысь, өтвывтчө Енкөд сідзи, кыдзи гижөма:

Тадзи лоёй тырвуйө бурось, кыдзи тырвуйө бур тиян Енэжвыв Бать. Мв. 5,48.

## ТОРЬЯ КАЗЬТЫШТӨМ

( ) Скобка пытшкө босьтөм кывъяс абуось Евангелистъяслөн гижөдын.

\* \* Кыв помө татшөм пас пуктөмыс висьталө, мый тайө кывсө казьтыштөма книга помын бурджыка гөгөрвоом вылө.

## ГӨГӨРВОТӨМ КЫВЪЯС

- Акрида — Мв. 3,4. Кыдзи саранча, но позьё сёйны.
- Алавастрөвөй — Мв. 26,7. Алибастрөвөй доз, еджыд сёйысь, еджыд сёй доз.  
Бугтөм, кузь голяа гөгрөс гырнич.
- Дидрахма — Мв. 17,24 Кык драхма, эзысь сьём, өти сикль попяслөн.
- Динарий — Мв. 18,28 Римскөй сьём эзысь, дас асысь.
- Кушин — Мв. 3,1 пустыня, куш му, овтөмин.
- Легион — Мв. 26,53. лат. отряд, войска, 6.000 морт гөгөр.
- Осанна — Мф. 21,9 Ыджыд гажөн ыдждөдлана, ошкана евр. кыв. Мездін, Видзін.
- Мамон — Мв. 6,24 сирийск. Озырлун. арабск. Идол, либө вир-яй озырмөдысь дявол.
- Претория — Мв. 27,27 судитчанін. Мыжданін.
- Проказа — Мв. 8,2 Лөмөссьём пеж висьём. Эм куим пөлөс, еджыд, гөрд и сьөдөна пеж вуджан висьём.
- Саддукей — Мв. 3,7 кодъяс оз эскыны ни ловлы, ни ангелъяслы.
- Синедрион — Мв. 26,59 Евр. Верховнөй суд.  
вылысса суд, мыждөм.

- Статир — Мф. 17,27 Нель драхма, вичколы вылө чукортисны та мында вот.
- Фарисей — Мв. 3,7 Грамотной, велөдчөм морт, кодi төдiс законъяс и Тшөктөмъяс. Налөн вөли асланыс партия.
- Шойшеп — Мв. 17,25—26 шойтусьяс. Мукөдлаын шуоны шомшепъясөн. Плевел. Шойшеп быдмө кыдзи шобдi, но сийөс кө мортыс сёяс — висьмө и весиг шоймө, мый вөсна шусьö шойшептөн, либө шойтусьясөн. ядыс вөсна.





## Матвейсянь БУРВИСЬТАЛӨМ

### 1 Юр

1 Чужанним гижöd Исус Христослөн, Давид Пилөн, Авраам Пилөн. Лк. 3,24.

2 Авраамсянь чужи Исаак; Исааксянь чужи Яков; Яковсянь чужи Иуда и сылөн вокяс;

3 Иудасянь чужи Фарес и Заря — Фамарасянь; Фарессянь чужи Есром; Есромсянь чужи Арам;

4 Арамсянь чужи Аминад; Аминадсянь чужи Наассон; Наассонсянь чужи Салмон;

5 Салмонсянь чужи Вооз — Рахавасянь; Воозсянь чужи Овид — Руфсянь; Овидсянь чужи Ессей;

6 Ессейсянь чужи Даваид цар; Давид царсянь чужи Соломон — Урия сайын вöвлөмсянь;

7 Соломонсянь чужи Ровоам; Ровоамсянь чужи Авия; Авиясянь чужи Аса;

8 Асасянь чужи Есафат; Есафатсянь чужи Ерам; Ерамсянь чужи Озия;

9 Озиясянь чужи Етам; Етамсянь чужи Ахав; Ахавсянь чужи Езекия;

10 Езекиясянь чужи Манассия; Манассиясянь чужи Амон; Амонсянь чужи Осия;

11 Осиясянь чужи Яким; Якимсянь чужи Ехония и сылөн вокяс, Вавилонö нуөдөм водзвылын.

12 А Вавилонö нуөдөм бөрвылын, Ехониясянь чужи Салафиль; Салафильсянь чужи Зоровавель;

13 Зоровавельсянь чужи Авиуд; Авиудсянь чужи Елиаким; Елиакимсянь чужи Азор;

14 Азорсянь чужи Садок; Садоксянь чужи Ахим; Ахимсянь чужи Елиуд;

15 Елиудсянь чужи Елеазар; Елеазарсянь чужи Матфан; Матфансянь чужи Яков;

16 Яковсянь чужи Осип, Мариялөнн верөсыс; Мариясянь чужи Исус, шусьö Христос.

17 Тадзи став чужысьыс Авраамсянь Давиддз дас нель чужанвуж; и Давидсянь Вавилонö нуөдтөдз дас нель чужанвуж; и Вавилонö нуөдөмсянь Христосдз дас нель чужанвуж.

18 Исус Христослөн чужсьөмыс вөлі тадзи: Сылөн Мамыс, Мария, Осипкөд ки сетөмсянь, водзджык, налөн өтгласьтөдз на, тыдовтчис, мый сы кынөмын вөлі Югыз Ловсянь. Лк. 1,27.

19 А Осип, Мариялөн верөсыс, вөлі буроласнога и эз көйсы йөзөдны сійөс, көсийс лэдзны сійөс гусьөн.

20 Кор Осип вөлі тайö шогын, — со, Енлөн Ангел петкөдчис сылы вөтөн и шуис: Осип, Давидлөн пи! Эн пов босьтны Марияс, ас-

сьыд гөтыртө, сы вöсна мый Чужысьыс сы  
пытшкын эм Югыд Ловсянь;

21 Чужтас Пи и пуктан Сылы ним: И с у с ;  
сы вöсна мый Сійö мездас йöзöс Ассьыс на-  
лөн мыжъясысь; Лк. 1,31.

22 Тадзи колö талы лоны, медым иніс Енлөн  
пророк пыр шуöмыс, коді висьталö:

23 Со, Нывлөн кынöмас лоö и чужтас Пи, и  
пуктасны Сылы ним: имману-Ел, тайö лоö:  
миянкöд Ен. Ис. 7,14.

24 Осип, унмысь садьмöm бöрын, вöчис сідзи,  
кызди тшöктіс сылы Енлөн Ангел, и босьтіс  
гөтырсö ассьыс.

25 И эз төдлы Сыöс, кызди медбөрти Мария  
чужтіс ассьыс медводдза Писö, а Осип пуктіс  
Сылы ним: И с у с .

## 2 Юр

1 Кор Исус чужи Иудейса Вифлеемын, Ирод  
цар лунъясö, асыввывсянь локтісны Ерусали-  
мö төдысьяс и шуöны:

2 Көнi Иудейса вильчужысь цар? Со, ми ад-  
дзылім Сылысь кодзув тыдовтчöмсö и локтім  
коыпртчывны Сылы.

3 Тайö кылöm бöрын, Ирод цар шызис, и  
сыкöд став Ерусалимыс.

4 И чукöртіс ставнысö аркирейясöс и йöз-  
костысь гижöдтөдысьясöс и юасис налысь:  
көнi колö Христослы чужнысö?

5 Найö висьталісны сылы: Иудейса Вифле-  
емын, тадзи гижöма пророк пыр:

6 И тэ, Вифлеем, Иудалөн му, нинömön абу  
ичөтджык став Иудейся карясысь, сы вöсна  
мый тэ пытшкысь петас Нуöдысь, Коді видзас  
Менсьым Израилься йöзöс. Мих. 5,2.

7 Сэки Ирод корис тōдысьясōс гусьōн, и тōд-маліс насянь кодзув тыдовтчōм кадсō,

8 И найōс Вифлеемō мōдōтīgōн шуис: мунōй, ставсō лючки тōдмалōй Кага йывсьыс и кор аддзанныд, юōртōй меным, медым и меным мунны копыртчывны Сылы.

9 Найō, царлысь кывзōм бōрын, мунісны. И со, кодзулыс, кодōс найō аддзылісны асыв-вылын, муніс на водзвылын, кытчōдз эз во и эз суvt сы весьтō, кōні вōлі Кагаыс.

10 Кодзувсō аддзōм бōрын, найō ёна долыда нимкодясисны.

11 И пырисны керкаō, и аддзисны Кагасō Мариякōд, Аслас Мамыскōд, и муōдзыс усь-кōдчылōмōн, копыртчылісны Сылы; и вось-тісны озырлунъяс асьыныс и сетісны Сылы козинъяс: зарни, ладан и смирна.

12 И налы вōтōн вōлі сетōма тōдны, медым эз бергōдчыны Ирод дінō, мōд туйōд мунісны асланыс муō.

13 А кор найō мунісны, сэки Господьлōн Ангел петкōдчис Осиплы вōтōн и шуис: четчы, босьт Кагасō и Мамсō Сылысь, и пышйи Египетō и ло сэнi, кытчōдз тэныд ог висьтав; сы вōсна, мый Ирод кōсйō корсьны Кагасō, медым вины Сййōс.

14 Осип четчис, босьтiс Кагасō и Мамсō Сылысь войнас, и муніс Египетō.

15 И сэнi вōлі Ирод кувтōдз, тадзи иніс Господьлōн висьталōмыс пророк пыр, кодi шуō: Египетысь Ме кори Асьым Пийōс. Ос. 1,11.

16 Кор Ирод аддзис, мый тōдысьяс пуктісны сййōс серамтуйō, ёна скōрмис, и мōдōдіс вины ставнысō кагаясōс Вифлеемысь и став сййō

матигөгöрысь, кык арөссиянь и улөдз, кад сер-  
ти, кодос төдмаліс төдысьясянь.

17 Сэки иніс Еремия пророк пыр висьталө-  
мыс:

18 Рамын кылө ойзөм шы, сыркялөмөн бөр-  
дөм и ыджыд горзөм; Рахиль бөрдө аслас  
челядыс вөсна и оз көйы бурасьны, сы  
вөсна мый найө абуось. Ер. 31,35.

19 А Ирод кулөм бөрын, Господьлөн Ангел  
петкөдчис Осиплы вөтөн Египетын.

20 И шуис: четчы, босьт Кагасө и Мамсө Сы-  
лысь и мун Израильса му вылө, сы вөсна мый  
куліны нин Кагалысь ловсө корсьысьяс.

21 Осип четчис, босьтис Кагасө и Мамсө Сы-  
лысь и локтис Израильса му вылө.

22 Кор кыліс, мый Архелай царөн Иудейын,  
аслас бать Ирод пыдли, полис мунны сэтчө, но  
вөтөн вөлі сетөма төдны, медым муніс Гали-  
лейса му помө.

23 И воём бөрас, овмөдчис Назаретөн шусяна  
карө, тадзи иніс пророкъяс пыр висьталөмыс,  
мый Сійө шусяс Назорейөн.



## 3 Юр

- 1 Сійö лунъясö локтö Пыртысь Иоан и велö-  
дö Иудейса кушын,\* Мк. 1,2.
- 2 И висътавлö: бергöдчöй бур мывкыдö, со,  
матын Енэжвыв Царство. Лк. 3,1.
- 3 Тайö вöлі сійö Иоан, код йылысь висъталіс  
Исаия пророк: чуксалысьлөн горзöм шы: овтö-  
минö лöсьöдöй туйсö Господьлы вылö, веськы-  
да вöчöй туй локнысö Сылы. Ис. 40,3.
- 4 Ачыс Иоан паськөмсö новліс верблюд гө-  
нысь и кучик тасма аслас коскын, а сылөн  
сёяныс вöлі акридаяс\* и видзвыв ма.
- 5 Сэки Ерусалим и ставныс Иудейса и став-  
ныс Иордан гөгöрын олысьяс петалісны сы  
дінö.
- 6 И пыртчисны Иордан юын сысянь, ассы-  
ныс мыжъяснысö висътавлөмөн.
- 7 Сы дінö пыртчыны локтысь уна фарисей-  
ясöс\* и саддукейясöс\* аддзöм бöрын, сійö  
шуис налы: змейсянь чужысьяс! коді тшöктіс  
тіянлы пышійынысö тіян вылö локтысь лөк-  
сьыс?
- 8 Та вöсна бур мывкыдö бергöдчөмөн, вöчöй  
и оласногнытö шогмана вотöсөн.
- 9 И энö мөвпалöй шуны ас йывсьыныд: миян  
бать Авраам; а ме висътала тіянлы, мый Ен  
вермö сувтöдны тайö изъясысь Авраамлы че-  
лядьсö;
- 10 Öд черыс куйлö нин пу вужъяс дорын,  
быд пу, коді оз вай бур вотöс, керыштасны и  
шыбытасны биö.
- 11 Ме пырта тіянöс ваын бур мывкыдö бер-  
гöдчөм вылö, а ме бöрся Локтысь ёнджык ме

дорысь, и ме ог шогмы нуны кӧмкотсӧ Сылысь; Сійӧ пондас пыртны тӱянӧс Югыд Лолын и биын.

12 Сылӧн зырйыс Аслас киас, и Сійӧ торйӧдас чукӧрсьыс, и шобдӧсӧ Ассьыс чукӧртас Аслас йӧртӧдӧ, а идзассӧ сотас куслытӧм биӧн.

13 Сэки Исус локтӧ Галилейсянь Иордан вылӧ, Иоан дӧнӧ, пыртчыны сысянь.

14 А Иоан ӧлӧдӧс Сійӧс и шуалис: меным колӧ пыртчынысӧ Тэсянь, а тэ ӧмӧй локтан ме дӧнӧ.

15 Но Исус шуис сылы: лэдз ӧнӧ; сы вӧсна мый тадзи колӧ вӧчны миянлы ставсӧ веськыда. Сэки Иоан лэдзӧ Сійӧс.

16 И пыртчӧм бӧрас, Исус дзик пыр петӧс васьыс, — и со, воссис Енэжыс Сылы и аддзис Енлысь Ловсӧ, Кодӧ лэтчис кыдзи гулю и пуксис Сы вылӧ.

17 И со, кыліс Енэжсянь висьталӧм шы: Тэ Менам муса Пи, Тэ вылын Менам буралӧмыс.

#### 4 Юр

1 Сэки Исусӧс вӧлі нуӧдӧма Лолӧн овтӧминӧ, дяволсянь ылӧдӧм вылӧ.

2 И нелямын лун и нелямын вой видзалӧм бӧрын, тшытъяліс.

3 И матыстчис Сы дӧнӧ ылӧдысь и шуис: Тэ кӧ Енлӧн Пи, шу, медым тайӧ изъясыс лоины няньясӧн.

4 А Исус воча кылӧн шуис: гижӧма: оз ӧти няньӧн понды овны морт, но быд кывйӧн, кодъяс петӧны Ен вомсянь.

5 Сэки дявол босьтӧ Сійӧс сӧстӧм карӧ и сувтӧдӧ Сійӧс вичко вевтор йылӧ.

6 И шуө Сылы: Тэ кө Енлөн Пи, четчышт увлань; өд гижөма: Аслас Ангелъяслы тшөктө Тэ йылысь, и: кияс выланьс нуасны Тэнө, мед он крукась изйө Аслад кокнад.

7 Исус шуис сылы: сідзи жө гижөма: эн мустөмт Господьос, ассьыд Ентө. Лк. 4,12.

8 Бара дявол босьтө Сійос зэв джуджыд гөра вылө, и петкөдлө Сылы муюгыдсьыс став царствосө и мичлунсө налысь.

9 И шуө Сылы: тайө ставсө сета Тэныд, уськөдчылөмөн кө копыртчылан меным.

10 Сэки Исус шуө сылы: вешйы Ме дінысь сатана! Тадзи гижөма: Господьлы, аслад Енлы копыртчыв и Сылы өтнаслы кывзысь.

11 Сэки дявол эновтө Сійос; и со, Ангелъяс матыстчисны и отсөгөн вөліны Сылы.

12 Кор Исус кыліс, мый Иоанос пуксьөдөмаось, ылыстчис Галилейө.

13 И колис Назарет, локтіс и овмөдчис моредорса Капернаумө, Завулонса и Неффалимса му помө.

14 Медым иніс Исаия пророклөн висьталөмыс.


15 Коді шуө: Завулонлөн му и Неффалимлөн му Иордан сайын, море дорса туй вылын, ентөдтөмяслөн Галилея, Ис. 9,1.

16 Пемыдас пукалысь йөз аддзисны ыджыд югыд и кулана пемыдинас пукалысьсөс югыда югдөдіс.

17 Тайө кадсянь Исус пондіс велөдны и висьтавлыны: бергөдчөй бур мывкыдө, со, матыстчис Енэжвыв Царство. Мк. 1,15.

18 Галилейса море дорті мунігөн, Исус аддзис кык вокос: Симонос, кодос шуисны Петырөн,

и сылысь воксö Андрейöс, тывъяссö мореас  
чöвталігөн, сы вöсна мый найö вöліны чери  
кыйысьяс. Мк. 1,16.



19 И шуö налы: локтöй Ме бöрся и Ме вöча  
тіянöс мортъясöс кыйысьясөн.

20 И найö дзик пыр колисны тывъяссö и  
вöтчисны Сы бöрся.

21 Сэтысь водзö мунігөн, Сійö аддзис мöд  
кык воксö: Зеведейлысь Яковöс и сылысь  
воксö Иоанöс, Зеведейкöд, налөн батькöд,  
тивьяссö дöмлсны ассыныс пыжас, и корис  
найöс.

22 И найö дзик пыр колисны пыжсö и батьсö  
ассыныс и вöтчисны Сы бöрся.

23 И ветліс Иисус став Галилея пасьта, велö-  
діс налөн кевмысян керкаясын и висьтагліс

Ен Царстволысь Бур Юөр, и бурдöдаліс йöзöс быд пöлöс висьöмьясысь и быд пöлöс вермөд-чытöмьясысь;

24 И муніс Сы йылысь сёрни став Сирия пасьта; и Сы дінö вайөдлісны быдөнöс, кодъяс жебмöмаöсь уна пöлöс висьöмьясысь и шыбытан висьöмөн и пез ловъяссиянь и выль төлысьын висысьсясöс и эбöсысь усыйсьсясöс, и Сійö бурдöдаліс найöс. Мк. 6,55; Лк. 6,17.

25 И вöтчисны Сы бöрся уна йöз Галилейысь, Дасакарысь, Ерусалимысь, Иудейысь и Иордан сайысь.

## 5 Юр

1 Иус, йöзсö аддзöм бöрын, кайис гөра вылө, и кор пуксис, Сы дінö матыстчисны велөдчысьясыс Сылөн. Лк. 6,20.

2 И Аслас восьса сёрниөн, Сійö велөдіс найöс таdzi:

3 Шудаöсь гöльяс, лолын олысьяс, сы вöсна мый налөн эм Енэжвыв Царство.

4 Шудаöсь рамъяс, сы вöсна мый налөн олөмыс эм нин му вылын.

5 Шудаöсь шогсö нуысьяс, сы вöсна мый найöс лоö бурөдöма.

6 Шудаöсь збыльсö сёйысьяс и юысьяс, найö и пöтасны.

7 Шудаöсь мелі сьөлöмаяс, сы вöсна мщй и налы меліа вöчасны.

8 Шудаöсь сөстөм сьөлöмаяс, сы вöсна мый найö аддзасны Енмöс.

9 Шудаöсь лөньöдысьяс, сы вöсна мый найö лооны Енлөн пиянъяс.

10 Шудаось найö, кодъясöс буроласногныс вöсна вöтлöны, налөн эм Енэжвыв Царство.

11 Шудаось тi, кор тiянöс пондасны лёкöдны и вöтлыны и быд лёк кывiён омöльтны Ме вöсна.

12 Дöлыда нимкодьясьöй, сы вöсна мый тiян тырдоныс ыджыд Енэжъяс вылын. Тадзи вöйдöр вöтлывлiсны пророкъясöс, тiянысь водзджык. Мт. 21,35.


13 Тi — муыслөн сов. А солыс кö воштас вынсö, сэки мыйöн вöчны сiйöс соланас?

Мк. 9,50.

Сiйö нинöм вылö нин оз шогмы, кыдзи сöмын шыбытны сiйöс ортсö йöзлы таялём вылö.

14 Тi — йöзыслы югыдыс. Оз вермы тупкысьны ыб вылын сулалысь кар.

15 И öзтöм сись оз сувтöдны доз улö, но сисьдоз вылö, и югдöдö ставныслы керкаын.



16 Тадзи мед югдöдас тiян югыдыс йöз водзын, медым аддзисны найö бур үджяснытö тiянлысь и ошкисны Енэжвыв Батьнытö тiянлысь.

17 Энө мөвпалөй, мый Ме локті торкны Индөдсө либө пророкясөс; Ме локті эг торкны, но тырвыйö бурөн вöчны.

18 Тадзи веськыда висьтала тiянлы: кытчөдз оз бырны Енэжыс и муыс, весиг öти визьтор либө весиг öти чуттор оз вошны Индөдысь, кытчөдз ставыс оз ин.

19 Сидзи жö: со, Ме висьтала тiянлы тайö медся ичöt Тшöктöмъяссö, и кодi торкас на пытшкысь öтикöс и велöдас йöзöс сидзи, сийö ичötөн шуяс Енэжвыв Царствоын; а кодi вöчас и велöдас, сийö ыджыдөн шуяс Енэжвыв Царствоын.

20 Та вöсна Ме висьтала тiянлы: медым буроласногныд тiян лои вылын, гижөдтöдысьяслөн и фарисейяслөн буроласног дорысь, а оз кө ло буроласногныд вылын, налөн дорысь, сэки тi онö пырöй Енэжвыв Царствоö.

21 Тi кывлiнныд, мый вöли шуöма важ йöзлы: эн ви, а кодi виас, лоö мыждöма. Мк. 10,19.

22 А Ме висьтала тiянлы: быдөн, кодi лöгалö аслас вокыс вылö, мыжмö. А кодi шуас воксö ассьыс шогмытöмөн, шедас вылысса мыждöмö; а кодi шуас йöйөн, усьö биа адö.

23 Та вöсна, кор тэ ваян ассьыд сетантор жертвапуктанiнö и сэки тöд вылад усьö, мый тэнад вокыд кутö мыйкö тэнлы паныд.

24 Коль сэтчö ассьыд сетантортö жертвапуктанiнас и мун, водзджык бурась аслад вокыдкөд, и сэки лок и вай сетантортö ассьыд.

25 Öдйöджык бурась тэнö паныдалыськөд, кор тэ сыкөд туй вылын на, медым тэнлы паныд сувтысь эз сет тэнö мыждысьлы, а мыж-

дысьыс медым эз сет тэнö нöйтгысьлы, и медым эськö эз шыбытны тэнö пемыдінö.

Лк. 12,58.

26 Веськыда висьтала тэныд: он пет сэтысь, кытчöдз тэ он мынтысь помöдз.

27 Ті кывлінныд, мый вöлі шуöма важ йöзлы: гозйöдчöмтö эн торк.

28 А Ме висьтала тiянлы: быдөн, кодi видзöдö нывбаба вылö вежалöмөн, сiйö вöчис нин аслас сьöлöмас ськөд гозъякост торкөмсö.

29 Та вöсна, тэнад кö веськыд синмыд ылöдö тэнö, перйы сiйöс и шыбыт ас бердсьыд; тадзи бурджык тэныд, медым вошис тэнад öтитор, а эз ставнас тэнад вир-яйыд ло шыбытöма адö.

30 И тэнад кö веськыд кийд ылöдö тэнö, керышт сiйöс и шыбыт ас бердсьыд; тадзи бурджык тэныд, медым вошис тэнад öтитор, а эз ставнас вир-яйыд тэнад ло шыбытöма адö.

31 Сiдзи вöлі висьталöма: кодi юксяс аслас гöтырсьыс, мед сетас сылы юксьöм гижöдсö.

Лк. 16,18.

32 А Ме висьтала тiянлы: быдөн, кодi юксьö аслас гöтырсьыс, кызди сöмын лёкколöмсö вöчöм кузя, сiйö сетö сылы усьны лёкколöм вöчöм вылö; и кодi гöтрасьö юксьöма вылö, сiйö гозъякост торкö.

33 Сiдзи жö тi кывлінныд, мый вöлі шуöма важ йöзлы: эн кöсийсь ылöдöмөн, но вöч Господь водзын аслад кöсийсьöм серти.

34 А Ме висьтала тiянлы: эн кöсийсь нинöмөн: ни Енэжөн, сы вöсна мый сiйö Енлөн пызан вылыс;

35 Ёи муөн, сы вöсна мый сiйö Енлөн кокулыс; ни Ерусалимөн, сы вöсна мый сiйö ыджыд Царлөн кар;

36 Ни аслад юрнад эн кӱсйысь, сы вӱсна мый весиг ӱти юрси он вермы вӱчны еджыдӱн либӱ сьӱдӱн.

37 Но кывныд тӱян мед лоас: да, да; либӱ ог, ог; а мый таысь вывтӱ, сӱйӱ лӛк вылӱ. Як. 5,12.

38 Тӱ кывлӱнныд, мый вӱлӱ шуӱма: син пыдди син, и пинь пыдди пинь.

39 А Ме висьтала тӱянлы: эн водзсась лӛк-сьыськӱд. Но кодӱ кучкас тӱныд веськыд чужӱмбанад, бергӱд сылы и мӱдарсӱ.

40 И кодӱ кӱсйӱ мыждыны тӱнӱ и босьтны дӱрӱмтӱ, сет сылы и вылыс паськӱмтӱ.

41 И кодӱ нуӱдӱ тӱнӱ мунны ськӱд ӱти верст, мун ськӱд кыкӱс.

42 Корысьлы сет; и кодӱ кӱсйӱ удждысьны тӱнсьыд, сыысь эн бергӱдчы. Лк. 6,34.

43 Тӱ кывлӱнныд, мый вӱлӱ шуӱма: любит матысатӱ ассьыд и мустӱмт тӱныд лӛк вӱчысьӱс.

44 А Ме висьтала тӱянлы: любитӱй тӱянлы лӛк вӱчысьясӱс, бурсийӱй тӱянӱс ёрысьяслы, бур вӱчӱй тӱянӱс мустӱмтысьяслы и кевмысьӱй тӱянӱс ӱтдортысьяс вӱсна и тӱянӱс вӱтлысьяс вӱсна; Лк. 6,27.

45 Медым тӱянлы лоны Енӱжвыв Батӱлӱн пиянӱн, Кодӱ тшӱктӱ Аслас шондӱлы петны лӛкъяслы и буръяслы вылӱ и мӱдӱдӱ зр бурноголысьяслы и лӛкноголысьяслы вылӱ.

46 А тӱянлы кӱ мусаӱсь сӱмын найӱ, кодъяслы тӱ мусаӱсь, сӱки ӱмӱй кутшӱмкӱ дон тӱянлы? Оз-ӱ сӱдзи жӱ вӱчны аскостаныс и мытарьяс?

47 И тӱ кӱ чолӱмаланныд сӱмын вокьяснытӱ ассьыныд, мый торьяланасӱ вӱчанныд? Оз-ӱ сӱдзи жӱ вӱчны и энтӱдтӱмьяс?

48 Но ті лоій тырвыйö бурöсь, кыдзи тыр-  
выйö бур тiян Енэжвыв Бать.

## 6 Юр

1 Та вöсна, виччысьöй сыысь, медым буро-  
ласногныд эз вöв сöмын йöз водзын петкөд-  
лөм могысь, кыдзи бурас вотöмъяслөн, сэки  
тиянлы оз ло доныс тiян Енэжвыв Батьсянь.

2 Сидзи жö, кор тэ сетан милöсьтина, мед шы  
эз кыв тэсянь; эн ло кыдзи ылöгбанаяс, кодъяс  
вöчöны кевмысянiнъясын и ывлавывясын, ме-  
дым йöзыс ошкисны найöс. Вескыда висьта-  
ла тiянлы: найö босьтöны нин донсö ассьыныс.

3 А тэ, кор сетан милöсьтина, медым тэнад  
шуйга кийд эз тöд, мый вöчö вескыдыс.

4 Медым сетанторйид тэнад вöли гуся; и тэ-  
над Бать, Коді аддзö гусясö, мынтыяс тэныд.

5 И кор кевмысянныд, энö лоій кыдзи ылöг-  
банаяс, кодъяс тöждысьöны кевмысьны вич-  
коясын и сувтöмөн кевмысьöны туйвожала-  
нiнъясын, медым найöс аддзылісны йöзыс.  
Вескыда висьтала тiянлы: найö босьтöны нин  
донсö ассьыныс.

6 А тэ, кор кевмысян, пыр аслад лөнъ пыт-  
шкöсö и ассьыд öдзöстö сиптöмөн, кевмысь  
аслад Батьыдлы гусьөн, и тэнад Бать, Коді  
аддзö гусясö, сетас тэныд.

7 И кевмысиганыд энö шуалöй ковтöмсö,  
кыдзи ентöдтöмъяс, кодъяс мөвпалöны, мый  
найöс лоö кылöма уна кывъясныс вöсна;

8 Энö лоій накодьöсь, сы вöсна мый тiян  
Бать тöдö водздзык, Сылысь кортöдз на, мый  
тиянлы колö.



9 А ті кевмысьöй тадзи: Батьöй миян, Тэ  
Енэжъяс вылын, мед югдас Тэнад нимыд;

Лк. 11,2.

10 Мед воас Тэнад Царствоыд;  
Мед лоас Тэнад бур көсийöмыд и му вылын,  
кыдзи Енэжыс вылын;

11 Миянлысь лов сет миянлы пöткöдны ловъя  
няньöн и талун;

12 И прöсьтит миянлысь мыжъяснымöс, кыд-  
зи и ми прöсьтита миянлы мыжвöчысьясöс;

13 И эн лэдз ылöдысьöс миян динö, но видз  
миянöс лөксъяс.

14 Тадзи кө ті понданныд прөсьтитны йөзлы, налысь мыжъяссө, сэки тiян Бать прөсьтитас мыжъяснытө тiянлысь;

15 А онө кө пондө прөсьтитны йөзлы, налысь мыжъяссө, сэки тiян Бать оз прөсьтит мыжъяснытө тiянлысь.

16 Сидзи жө, кор видзаланныд, энө лоөй жу-гыльөсь, кыдзи ылөгбанаяс, кодъяс вежөны чужөмнысө ассыныс шогсянаөн, медым ад-дзылісны йөзыс видзалөмнысө налысь. Весь-кыда висьтала тiянлы: найө босьтөны нин донсө ассыныс.

17 А тэ, кор видзалан, мавт юртө ассыд и мыськы чужөмтө ассыд.

18 И видзалөмтө ассыд эн петкөдлы йөзлы, но аслад Батьыдлы, гусьөн, и тэнад Бать, Коді гусясө аддзө, сетас тэныд.

19 Энө чукөртөй аслыныд озырлун му вылө, көні воз и сім сөйөны, и кытчө гусясьысьяс кодйысьөны и гусялөны;

20 Но чукөртөй озырлун аслыныд Енэж вы-лө, көні воз ни сім оз сейны и кытчө гуся-сьысьяс оз кодйысьны и оз гусявны; Лк. 12,21.

21 Од көні озырлунныд тiян, сэні сьөлөмныд лоө тiян.

22 Мортлы югыдсө аддзөм вылө эм син; и синмыд кө тэнад бура аддзө, сэки ставыс тэ-над лоө югыд;

23 А синмыд кө тэнад пемдас, сэки ставыс тэнад лоө пемыд. Та вөсна, тэнад кө югыдыс пытшкөсад пемдас, сэки кутшөм ыджыд пе-мыдыс!

24 Некод оз вермы лоны отсөгөн кык көзяин-лы вылө: сы вөсна мый өтисө бурө пуктас, а

мөдсө мустөмтас; либө: өтикыскөд өтвывтчас, а мөд дінсьыс өтдортчас. Та вөсна онө вермө лоны отсөгөн и Енлы и мамонлы.\*



25 Тадзи висьтала тiянлы: энө төждысьөй асланыд вир-яй олөм вөсна, мый сөйны и мый юны, ни асланыд вывтыр вөсна, мыйөн пасьтөдны. Олөмныд абу өмөй ыджыдджык сөянысь и вывтырныд — паськөмысь?

26 Видзөдлөй енэжса лэбачьяс вылө: найө оз көдзны, оз вундыны, оз чукөртны йөртөдө, но тiян Енэжвыв Бать вердө найөс.

Тi өмөй абу өна бурөсьджык надорысь?

27 И кодi тiян пытшкысь төждысьөмөн вермас содтыны асьсьыс нэмсө ичөтика?

28 И паськөм вөсна мый төждысянныд? Видзөдлөй видзвывса дзоридзьяс вылө, кызди найө быдмөны: оз уджавны и оз печкыны;

29 Но висьтала тiянлы, мый и Соломон аслас став мичмөдчөмөн, эз пасьтасьлыв сiдзи, кызди весиг өти на пытшкысь.

30 Тадзи кө видзвывса турунөс Ен пасьтөдө, кодi талун эм, но аски лоө шыбыгөма пачө, сэки дерт ёнджыка тiянөс, этша веритысьяс.

31 Та вöсна висьтала: энö тöждысьöй и энö сёрнитöй: »мый мянлы сёйны?« либö: »мый юны?« либö: »мыйöн пасьтасьны мянлы?«

32 Öд ставсö тайö корсьöны ентöдтöмъяс, а тiян Енэжвыв Бать тöдö, мый ставыс тайö колö тiянлы.

33 Водзджык корсьöй Енлысь Царствосö и сылысь збыльсö, а тайö ставсö лоö сетöма тiянлы. Лк. 12,31; Мк. 10,30.

34 Та вöсна висьтала: энö тöждысьöй аския лун вöсна, сы вöсна мый аския луныс ачыс пондас тöждысьны ас вöснаыс; тырмас луныслы ас вöсна тöждысьöмыс.

## 7 Юр

1 Энö мыжалöй и тiянöс оз мыждыны.

Лк. 6,37.

2 Та вöсна кутшöм мыждöмөн мыжданныд, сэтшöмөн пондасны мыждыны тiянöс; и кыдзи тi вöчанныд мукöдлы, сiдзи вöчасны тiянлы. Мк. 4,24.

3 Мый тэ видзöдан увйыс вылö, кодi тэнад вокыдлөн синмас, а керсö аслад синсьыд он казав?

4 И кыдзи нö тэ шуан аслад вокыдлы: вай, ме перъя увсö тэнад синмысь; а со, аслад синмад кер?

5 Ылöгбанöй! водзджык перйы керсö аслад синсьыд, и сёки аддзан, кыдзи перйыны увсö тэнад вокыдлысь синсьыс.

6 Энö сетöй сöстöмсö понъяслы, и энö шыбла-лöй жемчугнытö ассьыныд порсьяс водзö, медым найö эз талявны сiйöс асланыс кокясөн и бергöдчöм бöраныс эз косявлыны тiянöс.

7 Корй, и лоӧ сетӧма тӧянлы; корсьӧй, и сюрас; вӧзйысьӧй, и восьтасны тӧянлы;

Мк. 11,24.

8 Ӧд быдӧн, кодӧ корӧ, сетӧны; корсьысьлы сюрӧ; и вӧзйысьысьлы восьтасны.

9 Эм-ӧ тӧян пӧвстын сэтшӧм морт, кор пиыс сьлӧн корас сылысь нянь, а сийӧ сетас сылы из?

Лк. 11,11.

10 Либӧ, корас кӧ чери, сетас-ӧ сылы змейӧс?

11 Со ӧд, тӧ лӧкӧсь нин и кужанныд бурсӧ сетны асланыд челядьлы, сӧки дерт нин унапӧвстӧн сетас бурсӧ Енӧжвыв Бать Сылысь корысьяслы.

12 Та вӧсна быдторйын, кыдзи тӧ кӧсьянный, медым тӧянлы вӧчисны йӧзыс, сӧдзи вӧчӧй и тӧ налы; ӧд дзик та вылӧ сетӧма Тшӧктӧмсӧ и пророкъясӧ.

Лк. 6,31.

13 Пырӧй дзескыд ӧдзӧсӧд, сы вӧсна мый паськыд ӧдзӧсыс и паськыд туйыс нуӧдӧны лӧкас кулӧмӧ, и унаӧн мунӧнӧ натӧ.

Лк. 13,24.

14 А дзескыд ӧдзӧсыс и векныйд туйыс нуӧдӧны олӧмӧ, и этшалы сюрӧ сийӧ.

15 Видчысьӧй ылӧгпророкъясысь, кодьяс локтӧны тӧян дӧнӧ ыжку паськӧмӧн, а пытшкӧсныс — горш кӧинъяс;

Мт. 24,4.



16 Налӧн вотӧсьяс серти тӧдмаланныйд найӧс. Чукӧртӧны — ӧ лежнӧг вылысь виноград, либӧ йӧн вылысь смокваяс?

17 Тадзи быд бур пу вайö бур вотöсьяс, а лёк пу вайö лёк вотöсьяс.

18 Бур пу оз вермы вайны лёк вотöсьяс, и лёк пу оз вермы вайны бур вотöсьяс.

19 Быд пу, кодi оз вай бур вотöсьяс, кер-  
рыштöны и шыбытöны биö. Мт. 3,10.

20 Тадзи тöдмаланныд найöс, налөн вотöсьяс  
серти. Ин. 15,6.

21 Оз быдөн, кодi шуö Меным: Господьöй!  
Господьöй! пыр Енэжвыв Царствоö, но Менам  
Енэжвыв Батьлысь бур көсйöмсö вöчысь.

22 Сйö лунö унаөн шуасны Меным: Господь-  
öй! Господьöй! ми öмöй эгö Тэнад нимсянь  
пророчествуйтлö? И эгö öмöй Тэнад нимсянь  
пеж ловъясöс вöтлавлöй? И эгö öмöй Тэнад  
нимсянь уна чудесаяс вöчлöй?

23 И сэки висьтала налы: Ме некор эг тöдлы  
тиянöс, мунöй Ме дiнысь лёк вöчысьяс.

Лк. 13,25.

24 Та вöсна быдөн, кодi кывзö тайö кывъяссö  
Менсьым и вöчö на серти, сйö эм бур мыв-  
кыда морт, сэтшöм жö, кодi вöчис керкасö  
ассьыс из вылö, Лк. 6,47.

25 И кор зэрмис, и ойдiсны юяс, и кыптiсны  
тöвнырьяс, и уськöдчисны сйö керка вылö-  
сйö эз усь, сы вöсна мый из вылö вöли пуктö-  
ма подулыс сылөн.

26 А быдөн, кодi кывзö тайö кывъяссö Мен-  
сьым и оз вöч на серти, сйö вежöрттöм морт  
кодь, кодi сувтöдiс керкасö асьыс лыа вылö;

27 И кор зэрмис, и ойдiсны юяс, и кыптiсны  
тöвнырьяс, и уськöдчисны сйö керка вылö,  
сйö уси, и вöли усьöмыс сылөн ыджыд.

28 И кор Исус помалiс тайö кывъяссö, шен-  
зисны йöзыс Сылөн велöдöм вылö, Мк. 1,22.

29 Сы вöсна мый Сійö велöдiс найöс ыджыд  
вынөн, а эз кызди гижöдтöдысьяс налөн.

## 8 Юр

1 Кор Исус лэтчис гöра вывсьыс, Сы бöрся  
вöтчисны уна йöз. Мк. 1,40; Лк. 5,12.

2 Сэки матыстчис проказаөн\* висьысь и ко-  
прасьöмөн шуалiс Сылы: Господьöй! көсьян  
кö верман бурдöдны менö.

3 Исус, кисö нюжöдöмөн инмöдчис сылы и  
шуис: көсья, медым тэ бурдiн. И дзик пыр  
бурдiс проказасьыс сійö.

4 И сылы шуис Исус: кывзы, некодлы эн  
висьтавлы; но, мун петкöдлы асьтö поплы и  
вай сетантор, кутшöмöс тшöктiс Моисей, налы  
тöдöм вылö. Мк. 1,44.

5 Кор Исус пырис Капернаумö, Сы дiнö ма-  
тыстчис сотник и кевмысьöмөн корис Сійöс:  
6 Господьöй! менам пи куйлö гортын эбöс-  
сьыс усьöма и чорыда висьö.

7 Исус шуö сылы: Ме локта и бурдöда сійöс.

8 Сэки сотник воча кылөн шуис: Господьöй!  
шу сöмын кыв и бурдас пиöй менам.

А ме ог шогмы, медым Тэ пырин менам керка  
вевт улö;

9 Сы вöсна мый ме ыджыдалысьяслөн ки-  
подувса морт; и менам киподулын эмöсь вои-  
нъяс, и шуа öтилы: иун, и мунö; и мöдлы:  
лок, и локтö; и аслам отсасьысьлы: вöч тайö,  
и вöчö.

10 Тайö кылöм бöрын, Исус шензис и долыда  
шуис Сы борся локтысьяслы: веськыда вись-

тала тiянлы: татшoма веритoмсo весиг Из-  
раильысь эг аддзы Ме.

11 Та вoсна висьтала тiянлы: унаoн локтасны  
асыввывсянь и рытиввывсянь и пуксясны  
Енэжвыв Царствоын Авраамкoд, Исааккoд и  
Яковкoд;

12 А Царстволысь пиянсo лoo шыбытoма  
ортсыса пемыдас: сeни лoo бoрдoм и пинъяс-  
нысo йирoм. Мт. 22,13.

13 И сотниклы шуис Исус: мун, и кыдзи тe  
веритiн, медым сiдзи лoo тeныд. И дзик пыр  
бурдiс пиыс сылoн.

14 Петырлoн керкаo воoм бoрын, Исус аддзис  
тoшасo сылысь, куйлo биа висьoмoн, Мк. 1,29.

15 И сылы киясo инмoдчылис и биа висьoмыс  
эновтiс сийoс; и сийo чеччис и лoсьoдалiс налы.  
Лк. 4,38.

16 А кор воис рыт, Сы дiнo вайoдiсны унаoс  
пeжловсянь висьысьясoс, и Сийo вoтлалiс  
пeжловъясoс кыв шуoмoн, и бурдoдалiс став-  
нысo висьысьясoс.

17 Тадзи инiс Исаия пророклoн висьталoмыс,  
кодi шуo: Сийo бoсьтiс Ас вылас миянлысь  
вермитoмъяс и нуис висьoмъяс. Ис. 53,4.

18 Кор Исус аддзис Ас гoгoрсыйс уна йoзoс,  
тшoктiс вуджны мoдлапoлас.

19 Сeки кодкo, гижoдтoдысь, матыстчис да  
шуис Сылы: Велoдысь! ме муна Тe бoрся,  
кытчo сoмын эськo Тe мунан.

20 Исус шуo сылы: ручъяслoн эмoсь позъяс,  
и енэжса лeбачъяслoн позъяс, а Морт Пилoн  
абу кoни копыртны юрсo.

21 И мoд, Сылoн велoдчысьяс пытшкысь  
шуис Сылы: Господьoй! лeдз менo муны и  
водздзык гуавны бaтьoс ассьым.

22 Но Исус шуис сылы: лок Ме бөрся, и коль кулёмъяслы гуавны шойяссö ассьыныс.

Лк. 9,60.

23 И кор Сійö пырис пыжö, Сы бөрся вöтчисны нелöдчысьясыс Сылön.

24 И со, зэв ёна гызис море вылас, сідз мый пыжыс саявліс гыяснас; а Сійö узис.

25 Сэки велöдчысьяс Сылön, матыстчисны Сы дінö и садьмөдісны Сійöс и шуисны: Господьöй! мезды миянös, вöям!

26 Исус шуö налы: кутшöм ті полысьсöсь, этша веритысьяс! Сэсся чеччöм бöрас, öлөдіс тövъяслы и морелы, и лои зэв лөнъ.

27 А йöзыс, шензьöмön сёрнитісны: Коді Тайö, мый и тövъяс и море кывзысьöны Сылы?

28 И кор Исус воис мöдлапöлас, Гадаринса му вылö, Сійöс паныдалісны кыкön, кодъясöс пезлов вöдитіс, найö петісны гуасян гуасысь, зэв скөрösь, сідз-мый некод эз лысьт мунны сійö туйöдыс. Мк. 5,1; Лк. 8,27.

29 И со, найö горөдісны: мый Тэныд миянөдз, Исус, Енлön Пи? Тэ локтін татчö кадысь водз мучитны миянös.

30 А наысь ылынджык йирсисны порсьяс ыджыд чукөр.

31 И пезловъяс корисны Сылысь: вöтлан кө миянös, лэдз мунны миянлы порсьяс чукөрö.

32 Исус шуис налы: мунöй. И найö петöм бöраныс, мунісны порсьяс чукөрö. И со, ставныс порсьяс чукөрнас уськөдчисны бужöд йывсяныс мореас и вöйины ваö.

33 Сэки видзысьясыс котөртісны, и карас воём бöрын, висьталісны ставтор йывсьыс, и сы йылысь, мый вöлі пезлолаяскөд.

34 И со, петісны став карнас Иусулы паныд и Сійос аддзём бөрын, корисны, медым Сійо ылыстчис найо му вылысь.

## 9 Юр

1 Сэки Иусу пырис пыжө и бөр вуджис, и воис Аслас карө. Мк. 2,1; Лк. 5,18.



2 И со, вайөдісны Сы дінө эбөсысь усьөмөс, вольпась вылө пуктөмөн; Иусу, налысь верасө аддзөмөн, шуө эбөстөмыслы: эн пов пиой! тэ мезман аслад мыжъясысь.

3 Сэки кодсюрө гижөдтөдысьяс пөвстысь шуисны ас костаныс: Сійо омөльтө Енмөс.

4 Исус, налысь мөвпгьяссө төдөмөн, шуис: мыйла ті мөвпаланнид лөксө асланыд сьөлө-маныд?

5 Мыйнө кокныдджык шунысө: мезман аслад мыжъясысь, либө шуны: чеччы и ветлөдлы?

6 Но медым ті төдіннид, мый Морт Пилөн эм вын му вылын мездыны мыжъясысь, — сэки шуө эбөстөмыслы: чеччы, босьт вольпасьтө ассыд и мун аслад гортө.

7 Сійө дзик пыр чеччис и муніс аслас гортө.

8 А йөзыс, тайө аддымысьт, полігтырйи ошкисны Енмөс, мортъяслы татшөм вын Сетысьөс.

9 Сэтысь мунігөн, Исус аддзис Матвей нима мортөс, пукаліс налог чукөртанінын; и шуө сылы: вөтчы Ме бөрся. И сійө чеччис и вөтчис Сы бөрся. Мк. 2,14; Лк. 5,27.

10 Кор Исус вөлі пукалө керкаын, локтісны уна мытаръяс и грешникъяс, и пуксисны Сыкөд и Сылөн велөдчысьяскөд.

11 Тайө аддзөм бөрын, фарисейяс шуисны Сылөн велөдчысьяслы: мыйла Велөдысьныд тіян сөйө мытаръяскөд и грешникъяскөд?

12 Кор Исус кыліс тайө, шуис налы: висьтөмъяслы бурдөдысь оз ков, но висьысьяслы.

13 Мунөй, велөдчөй, мый сійө лоө: бур сьөлөмъяс көсья, а ог жертваяс?

Ме локті корны эг мыжтөмъясөс, но мыжаясөс бур мывкыдө бергөдчөм вылө.

14 Сэки локтісны Сы дінө Иоанлөн велөдчысьяс и шуөны: ми да фарисейяс уна видзалам, а Тэнад велөдчысьясыд мыйла оз видзавны?

15 Исус висьталіс налы: вермасны-ө шогсьыны готрасянінын гажөдчысь зонъяс, кытчөдз накөд Жөник? Но воасны лунъяс, кор босьтасны Жөниксө налысь, и сэки пондасны, видзавны.

16 Өд некод оз косяв выльпаськөм дөмас вылө, медым важ паськөмысь дөмны розьсө, сы вөсна мый выльсө косялас, а важыслөн розьыс лоө нөшта на ыджыдджык.

Мк. 2,21; Лк. 5,36.

17 Сідзи жө том вина оз кисьтны важ кучик дозйө, сы вөсна мый кучикыс косяссяс и винаыс визувтас, сэки вошасны дозйыс и винаыс, но том вина кисьталөны выль кучик дозьясө, сэки оз вошны өтиkyс ни мөдыс.

18 Кор Сійө висьталіс тайөс налы, Сы дінө матыстчис кутшөмкө юралысь, и копрасьөмөн, шуаліс Сылы: нылөй менам өні кувсьө; но, лок и пуктыв китө сы вылө Ассьыд и сійө ловъя кольө.

Мк. 5,22; Лк. 8,41.

19 Исус мөдөдчис мунны сы бөрся и велөдчысьясыс Сылөн.

20 И со, нывбаба, коді дас кык во нин висьөма вир мунөмөн, бөрсяныс матыстчис и Сылы паськөм помас инмөдчис.

21 Вомгорулас шуалігтырйи: сөмын инмөдчыла кө Сылы паськөм помас, бурда.

22 А Исус, бергөдчис и кор сійөс аддзис, шуис: эн пов, нылөй Менам! веритөмыд тэнад мездіс тэнө. И бурдіс нывбаба дзик пыр.

23 Кор Исус воис юралысь керка дорө и аддзө, шызьөмаөсь и бөрдөны.

24 Шуис налы: петөй ортсө, өд нылыс абу кулөма, но узьө. И сералісны Сы вылын.

25 Кор йөзсө вөлі ыстөма, Сійө пырис и бось-  
тис нывсө киодыс, и ныв четчис.

26 И паськалі та йылысь сөрни став сійө му  
пасьта.

27 Кор Исус вөлі мунө сэтысь, вөтчисны Сы  
бөрся кыкөн синтөмъяс и горзисны: ло бур  
сьөлөма мян вылын Исус, Давидлөн Пи!

28 Сэки Сійө пырис керкаө, а синтөмъяс ма-  
тыстчисны Сы дінө; Исус шуө налы: веритан-  
ныд, мый Ме верма тайө вөчны: найө шуоны:  
да, Господьой.

29 Сэки Сійө инмөдчис налы синъясө и шуис:  
тіян веритөмныд кузя, мед лоас тіянлы.

30 И воссисны синъясныс налөн. А Исус чо-  
рыда шуис налы: кывзөй, медым некод эз төд.

31 А найө, петөм бөраныс, висьтавлісны Сы  
йылысь став сійө му пасьта.

32 Найө петігөн, Сы дінө вайөдісны пезлов-  
сянь йөйталысь немөйөс. Лк. 11,14.

33 И кор Исус пезловсө вөтліс, немөй пондіс  
сөрнитны. А йөзыс шензьөмөн шуалісны:  
татшөмторъяс некор эз вөвны Израильын.

34 А фарисейяс сөрнитісны: Сійө вөтлалө  
пезловъясөс пез ловьяслөн князь антус  
вынөн. Мк. 3,22.

35 Исус кытшовтіс став каръясөд и сиктъяс-  
өд, велөдіс налөн вичкоясын, висьтавліс Ен  
Царствольсь Евангелльө и бурдөдаліс быд  
пөлөс висьөмъяс и вермөдчытөмъяс йөз пыт-  
шкысь.

36 Кор Сійө аддзис йөз чукөръяс, жалитіс  
найөс, сы вөсна мый найө вөліны мудзөмаөсь  
и разалөмаөсь, кызди видзысьтөм ыжъяс.

Мк. 6,34.

37 Сэки шуö Аслас велöдчысьяслы: вундынысö уна, а уджалысьыс этша;

38 Та вöсна кевмöй вунданвывса Господинлы, медым ыстас уджалысьясöс Аслас вундан былö.

## 10 Юр

1 Ассьыс дас кык велöдчысьсö кормысьт, Сийö сетис налы вын пежловъяс вылын, медым вöтлавны найöс и бурдöдавны быд пöлöс висьöмъясысь и ёнмöдны вермöдчытöмъясöс.

Мк. 3,13; Лк. 6,12.

2 Дас кык Апостольяслөн нимъясыс вöлины татшöмöсь: медводдзаыс Симон, шуисны Петырөн, и сылөн вок Андрей; Зеведейлөн Яков, и сылөн вок Иоан;

3 Филип и Варфоломей, Фома и Матвей мытар, Алфейлөн Яков и Левий, шуисны Фадейөн;

4 Симон Канонит; сэсся Иуда Искариот, кодi и вузалiс Исусöс.

5 Тайö дас кыксö мөдöдiс Исус и сетис налы татшöм тшöктöмъяс: ентöдтöмъяс туй былö энö мунöй и Самарияса карö энö пырöй;

6 Но мунöй бурджык Израиль керкаса вошöм ыжъяс дiнö.

Мт. 15,24.

7 А ветлиганыд висьтавлöй и казътылöй, мый матыстчис Енэжвыв Царство.

8 Висьысьясöс бурдöдöй, проказаысь весалöй, кулöмъясöс ловзöдöй, пежловъясöс вöтлалöй; дон босьттöг сетöма, дон босьттöг и сеталöй.



9 Сьӧрсьыныд энӧ босьтӧй ни зарни, ни зысь, ни ыргӧн асланыд вӧньясӧ.

10 Ни ноптор туй выланыд, ни кык паськӧм, ни кӧмкотъяс, весиг бедь; сы вӧсна мый уджалысь асьыс удждон сӧйӧ.

11 И кутшӧм карӧ или сиктӧ кор тӧ пыраныд, тӧдмалӧй, кодӧ сӧнӧ шогманаыс, сӧтчӧ и кольтчӧй, кытчӧдз онӧ петӧ.

12 А керкаас пыриганыд сӧйӧс чолӧмалӧй, шуӧмӧн: бур олӧм тайӧ керкалы. Лк. 10,5.

13 И сійö керкаыс кö лоö шогмана, сэки тiян бурсиöмныд воас сы вылö, а оз кö ло шогмана, сэки тiян бурсиöмныд бергöдчас тiян дiнö.

14 А кодi оз сибöд тiянöс и оз кывзы кывъ-ястö тiянлысь, сэки керкасыс или сiйö карсыс петiганыд пыркöдöй буссö асланыд кок-ясысь.

15 Веськыда висьтала тiянлы: кокныдджык лоö Содомса и Гоморрса мулы мыждана лунö, сiйö карыслы дорысь.

16 Со, Ме мöдöда тiянöс, кызди ыжъясöс кöинъяс пöвстö, сы вöсна лоöй сюсьöсь кызди змейяс и сöстöмöсь кызди гулюяс. Лк. 10,3.

17 Но видчысьöй йöзысь: сы вöсна мый найö пондасны сетны тiянöс мыждöм вылö и асланыс вичкоясын пондасны нöйтны тiянöс.

18 И нуöдасны тiянöс юралысьясныс дiнö и царьяс дiнö Ме вöсна, на водзын и ентöд-тöмъяс водзын висьталöм вылö.

19 А кор нуöдасны тiянöс мыждöм вылö, энö тöждысьöй, кызди или мый шуны, сы вöсна мый сэки лоö сетöма тiянлы, мый висьтавны; Мк. 13,11; Лк. 12,11.

20 Сэки онö тi пондö сёрнитны, но тiян Батълөн Лов пондас сёрнитны тiян пытшкын.

21 Но лоö, весиг вокыс сетас воксö виöм вылö и батыс писö асьыс; и челядь кыпöдчасны бать-мам вылö и виасны найöс.

22 И лоанныд мустöмöсь быдөнлы Менам ним вöсна; но кодi пыр кежö кутчысьö бурас помöдзыс, сiйö мезмас.

23 А кор пондасны вöтлыны тiянöс öтилаысь, тэрмасьöй мöдлаö. Тадзи веськыда висьтала тiянлы: онö удитöй кытшовтны Израилься оланiнъяс, кызди воас Мортлөн Пи.

24 Велөдчысь абу вылынджык велөдыссьыс, и кесйөг абу вылынджык аслас көзьяинысь.

Лк. 6,40; Ин. 15,20.

25 Тырмас велөдчысьлы, медым сійө лои кызди велөдысь сылөн, и кесйөг, медым сійө лои, кызди көзьяин сылөн. Керкаса көзьяинөс кө шуисны антусөн, оз-ө ёнджыка гортасө сылысь?

26 Та вөсна энө полөй наысь: өд нинөм оз ло дзебаса, мый эськө эз воссый, и нинөм абу гусьяс, мый эськө эз ло төдмалөма.

27 Мый Ме висьтала тьянлы пемыдас, сійө висьталөма югыдас, и мый ті кыланнөд пель водзаныд вашкөдөмсө, сійө висьталөма вылысьянь.

28 Та вөсна энө полөй вир-яй высьясысь, кодъяс оз вермыны вины ловнытө, но полөй ёнджык сыысь, коді вермө тойыштны ловтө и вир — яйтө биа адө.

29 Оз-ө кык ичөтик лэбач вузавсьыны грөшсьысь? И на пытшкысь весиг өти оз усь му вылө тьян Батьлөн көсийтөг.

30 А тьянлысь став юрси лыддьөма юрвывсьыныд.

31 Та вөсна, энө полөй: ті ёна бурджыкөсь уна посни лэбачъяс дорысь.

32 Быдөнөс, коді висьталө Менсьым висьталөмсө йөз водзын, сійөс Ме висьтала Аслам Бать водзын, Енэж вылын.

33 А коді өткажитчас Менам велөдөмысь йөз водзын, сыысь Ме өткажитча Аслам Бать водзын, Енэж вылын.

34 Энө мөвпалөй, мый Ме локті му вылө лөнъодны йөзсө; Ме локті эг лөнъодны, а торйөдны, кызди бедьлөн кык помыс.

35 Ме локті торйödны писö аслас батьсьыс, нывсö аслас мамсьыс, и моньсö аслас энькасьыс.

36 И мортлы лёк вöчысьясыс — аслас гортсаяс.

37 Кодлы ёнджыка муса батьыс или мамыс Ме дорысь, сійö оз шогмы Меным; и кодлы ёндзыка муса пиыс или нылыс Ме дорысь, сійö оз шогмы Меным.

38 И коді оз босьт ас вылас асьыс съöкыдсö, и локтö Ме бöрся, сійö оз шогмы Меным.

39 Асьыс олöмсö видзысь, воштас сійöс, а Ме вöсна асьыс олöмсö воштысь, видзас сійöс.

40 Коді сибöдö тiянöс — сибöдö Менö, а коді сибöдö Менö, сійö сибöдö Менö Мöдöдысьöс.

41 Коді сибöдö пророкöс, пророк ним кузя, босьтас тырдон пророклысь; и коді сибöдö бурноголысьöс, буроласногыс кузя, босьтас тырдон буроласногалысь.



42 И коді юкталас öтикöс тайö ичötьяс повстысь сöмын кöдзыд ва чашкаөн велöдчысь ним кузя, веськыда висьтала тiянлы, оз вошты асьыс тырдонсö.

## 11 Юр

- 1 И кор помаліс Исус велөдөмсө Ассьыс дас кык велөдчысьыслы, муніс сэтысь велөдны и висьтавлыны налөн карьясө.
- 2 А Иоан, кор кыліс Исуслөн уджъяс йылысь, тюрмаын пукалігас, мөдөдіс кык велөдчысьөс ассьыс.
- 3 Юавны Сылысь: Тэ-ө Сійө, Кодлы колө локнысө, или видчысьны миянлы мөдөс?
- 4 Исус воча кылөн висьталіс налы: мунөй, висьталөй Иоанлы, мый кыланныд и аддзанныд:
- 5 Синтөмъяс аддзөны, коктөмъяс ветлөны, проказысь бурдөны, пельтөмъяс кылөны, кулөмъяс ловзёны и гөльяслы Бур Юөр висьтавьсө;
- 6 И шуда сійө, коді оз ылав Ме йылысь.
- 7 И кор найө мунісны, Исус пондіс висьтавлыны йөзыслы Иоан йылысь: ті мый видзөдлыны ветлінныд овтөминө? Төлөн вөрөдан ньөр вылө?
- 8 Мый нө видзөдлыны ветлінныд ті? Небыд паськөмөн пасьтасьөм мортөс? Небыд паськөм новлысьяс олөны царскөй дворецъясын.
- 9 Мыйнө видзөдлыны ветлінныд ті? Пророкөс? Да, висьтала тиянлы, и пророкысь ыджыдөс.
- 10 Тайө Иоан эм сійө, код йылысь гижөма: Со, Ме мөдөда Ассьым Ангелөс Тэнад чужөмбан водзө, коді лөсьөдас Тэныд туй Тэ водзын.
- Мал. 3,1.
- 11 Веськыда висьтала тиянлы: нывбабасянь чужысьяс пытшкысь эз вөвлы ыджыдджы-

кыс Пыртысь Иоан кындзи, но ичөтджыкыс  
Енэжвыв Царствоын ыджыд сы дорысь.

12 И Пыртысь Иоан лунъяссиянь өніөдз Енэж-  
выв Царство вынөн босътсьө и вын пуктысьяс  
судзөдöны сійөс; Лк. 16,16.

13 Сы вöсна мый Индöдыс и став пророкъяс  
висьталісны Иоанөдз.

14 И көсьянный кө тöдны, сійö эм Илия,  
кодлы колö локны.

15 Кодлөн эм пельяс кывны, сійö кылö.

16 Кодкөд өткодяла тайö чужысьяссö? Найö  
челядь кодьöсь, кодъяс пукалöны ывла вылын  
и асланыс ёртъяс дінö шыасьöмөн,

17 Висьталöны: ми ворсім свирель вылын  
тіянлы, и ті энö йөктöй; ми сьылім нора сьы-  
ланкывъяс тіянлы, и ті энö бөрдöй.

18 Со, локтіс Иоан, и оз сөй и оз йу; и шуö-  
ны: »сы пытшкын пежлов.«

19 Локтіс Мортлөн Пи, сөйö и юö; и шуöны:  
со, Мортыс, коді любитö сөйны и юны, мы-  
таръяслөн и грешникъяслөн ёрт. Но сюсь ве-  
жöра мывкыдсö дорйысьөн вöліны уджъясыс  
Сылөн. Лк. 7,34.

20 Сэки Сійö пондіс янөдны каръяс, көнъя-  
сын вöлі медся ёна петкөдлöма вынсö Ассьыс,  
сыысь, мый найö эз бергөдчыны бур мывкыдö.

21 Курдас тэныд, Хоразин! Курдас тэныд,  
Вифсаида! Öд тадзи кө вöлі эськө петкөдлöма  
вынъяс Тирын и Сидонын, кодъясöс петкөдлö-  
ма тіянын, сэки важөн эськө найö бергөдчисны  
бур мывкыдö шогсяна паськөмөн и пöим  
пытшкын.

22 Но висьтала тіянлы: Тирлы и сидонлы  
кыкньыдджык лöө мыждана лунö, тіянлы  
дорысь.

23 И тэ, Капернаум, енэжөдз кыпөдчан, но адөдз усян; өд тадзи кө вөлі эськө петкөдлө-ма вынъяс Содомын, кодъясөс петкөдлөма тэ пытшкын, сэки коли эськө сійө тайө лунөдз;

24 Но висътала тиянлы: Содомса мулы кок-ньыдджык лоө мыждана лунө, тэнлы дорысь.

25 Сійө кадө, сёрнитигас, Иусу шуис: ошка Тэнө Батьөй, Енэжыслөн и мусыслөн Господь, мый Тэ дзебин тайө сюсысысь и вежөраясысь и восьтін тайө кагаяслы;

26 Да, Батьөй! Тадзи Тэнад бурсө сетөма.

27 Менам Бать ставсө сетіс Меным, и некод оз төд Писө, Батьыс кындзи, и Батьсө оз төд некод, Пиыс кындзи, и кодлы көсйө восьтны Пиыс.

28 Локтөй Ме динө ставныд мырсъысысь и сьөкыдас усъысысь, и Ме шойтчөда ловтө тиянлысь.

29 Босьтөй ас выланьд Менсьым сьөкыдсө и велөдчөй Месянь, сы вөсна мый Ме рам и лабутнөй сьөлөма, и ті аддзанныд лөнъ олөм асланыд ловлы.

30 Сы вөсна мый Менам сьөкыдыс бур, и Менам нөбйыс кокныд.

## 12 Юр

1 Сійө кадө, субөта лунө, Иусу муніс көдзөм муяс дорті. А велөдчысысыс Сылөн вөліны сөйтөмөсь и пондісны нетшкыны шепъяссө и сөйны. Мк. 2,23.

2 Фарисейяс, тайө аддзөм бөрын, шуисны Сылы: со, велөдчысысыд Тэнад вөчөны, мый оз позь вөчны субөта лунө.

3 Исус шуис налы: ті өмөй энө лыддывлөй, мый вөчис Давид, кор тшыгъяліс ачыс и сыкөд вөлысьяс?

4 Кыдзи сійө пырис Енлөн керкаө и сөйис Ен водзө пуктөм няньяс, кодъясөс оз позь вөлі сөйнысө сылы, ни сыкөд вөлысьяслы, а сөмын өти попъяслы.

5 Ті өмөй энө лыддывлөй Индөдсьыс, мый субөтаясө попъяс торкөны субөтасө вичкоын, но абу мыжаөсь.

6 А Ме висьтала тиянлы: тані Сійө, Коді вичкосьыс ыджыд.

7 Ті кө төдінныд эськө, мый сійө лоө: мелі сьөлөмъяс көсья, а ог жертваяс, сэки эськө энө мыжалөй мыжтөмъясөс. Мт. 9,13.

8 Од Мортлөн Пи эм Господь и суббөталөн.

9 И сэтысь мунөм бөрын, Сійө пырис налөн кевмысян керкаө.

10 И со, сәні вөлі кос киа морт. И юалисны Исуслысь, медым мыжавны Сійөс: позяс-ө бурдөдны субөта лунө?

11 А Исус шуис налы: эм-ө тиян пытшкысь кодкө, кор сылөн эм өти ыж, и сійө кө усьө гуө субөта лунө, оз өмөй босьт и лэпты сійөс?

12 А мортыс кымынпөв бурджык ыж дорысь? Та вөсна бур вөчны позьө субөта лунө.


13 Сэки шуө сійө мортыслы: нюжөд китө ассьыд. И сійө нюжөдіс; и сылөн кыис бурдіс и лои кыдзи мөдыс.

14 А фарисейяс, петмысьтиныс, сёрнитчисны Сылы паныд, кыдзи эськө вины Сійөс.

Но Исус төдіс и ылыстчис сэтысь.

15 И Сы бөрся вөтчисны зэв уна йөз и Сійө бурдөдаліс ставнысө найөс.

- 16 И өлөдiс найөс Ас йывсьыс висьтавлөмысь.  
 17 Тадзи инiс Исаия прорклөн висьталөмысь;



18 Со, Менам Пи, Кодөс Ме бөрйи, Меным  
 ёна муса, Кодлы буралө Менам Лов; Сы вылө  
 пункта Лолөс Ассьым, и висьталас йөзыслы  
 збыльсө. Ис. 42,1.

19 Сийө оз паныд шыась и оз горөд, и некод  
 оз кыв шысө Сылысь ывла вылын;

20 Чегөм ньөр оз нетшышт и тшыналысь  
 дзуганби оз кусөд, кытчөдз оз сувтөд збы-  
 лыслысь вермөмсө.

21 И Сийө ним вылө пондасны надейтчыны  
 ылыса йөзьяс.

22 Сэки Сы динө вайөдiсны пeжлола синтөм  
 немөйөс; Исус бурдөдiс сийөс, сiдз мый синтөм  
 и немөй пондiс сёрнитны и аддзыны.

23 И шензисны став йёзыс и сёрнитисны: абу-ө Тайё Христос, Давидлөн Пи?

24 А фарисейяс, тайё кылём бёрын, шуисны: Сійё вётлалё пежловъясёс оз модногөн, а пежловъяслөн князь антус вынён.

25 Но Исус, налысь мөвпъяссё тёдөмөн, шуис налы: быд царство, коді юксьё ачыс ас пытшкас, киссьё, быд кар или керка, коді торйөдчө ас пытшса лёкнуннас, оз вермы сулавны.

26 И сатана кө вётлө сатанаөс, сэки сійё торйөдчис ачыс ассьыс: кызди нө сулалас царствоыс сылөн?

27 И Ме кө вётлала пежловъясёс антус вынён, пиянныд нө тиян код вынён вётлалёны? Та вёсна найё лооны тиянөс мыждысьясөн.

28 А Ме кө Ен Лолөн вётлала пежловъясёс, сэки дерт тиянөдз воис Енэжвыв Царство.

29 Или, кызди вермас кодкө пырны ён вына ордө керкаас и мырддявны көлуйсё сылысь, оз кө водзджык көртавлы ён вынасө?

И сэки петкөдас керкасө сылысь.

30 Коді абу Мекөд, сійё Менлы паныд, и коді оз чукөрт Мекөд, сійё разөдө.

31 Та вёсна висьтала тиянлы: быд пөлөс мыж и омөльтөм лоө прөсьтитөма мортъяслы; а Лов вылө лёкөдөм оз ло прөсьтитөма мортъяслы.

32 И коді шуас кыв Морт Пи вылө, лоө прөсьтитөма сылы; а коді шуас Югыд Лов вылө, сылы оз ло прөсьтитөма ни тайё нэмас, ни локтанас.

33 Или, шуой пусө бурөн и вотөссө сылысь бурөн; или, шуой пусө лёкөн и вотөссө сылысь лёкөн; өд пусө төдмавсьө вотөсыс серти.

34 Змейсянь чужысяс! Кызди ті верманныд сёрнитны бурсё, кор ті лёкось? Ёд мыйён тырёма сёлёмыс, сійё шуё вомыс.

35 Бур морт петкөдө бур видзанінсьыс бурёс, а лёк морт петкөдө лёк видзанінсьыс лёкёс.

36 Та вёсна висьтала тiянлы, мый быд ковтём кывйысь, кутшөмөс шуасны мортъяс, найё сетасны воча кыв мыждана лунё.

37 Та вёсна аслад кывъяссиянь мезман, и аслад кывъяссиянь мыжман.

38 Сэки кодсюрё гижөдтөдысяс и фарисейяс пөвстысь шуисны: Велөдысь! ми көсьям адзывны Тэсянь индысь пас.

39 Но Сійё воча кылөн шуис налы: лёкас и ылалёмас чужысь йөз корсьёны индысь пас; и налы индём вылө пас оз ло сетёма, Иона пророклысь индөд пас кындзи;

40 И кызди Иона вөлі кит кынём пытшкын куим лун и куим вой, сідзи Мортлөн Пи лоё муыслөн сёлёмас куим лун и куим вой.

41 Неневияса йөз сувтасны тайё чужысяскөд мыждана лунё и мыждасны тiянёс, сы вёсна мый найё бергөдчисны бур мывкыд вылө Иона висьталөмсянь, а Сійё, Коді тані ыджыд Ионаысь.

42 Лунвивса царица сувтас тайё чужысяскөд мыждана лунё и мыждас тiянёс, сы вёсна мый сійё воліс му помсянь кывзыны сюсьлунсё Соломонлысь; а Сійё, Коді тані ыджыд Соломонысь.

43 Кор пезлов петас морт пытшкысь, сэки шөйтө ватөминъясті, корсьё шөйтчанін и оз сюр;  
Лк. 11,24.

44 Сэки шуө: бөр бергөдча аслам гортө, кытысь ме петі. И локтөм бөрас, аддзө сійөс тыртөм, идралөма и чышкөма.

45 Сэки мунө и босьтө аскөдыс мукөд сизим пезлөлөс, ас дорсьыс лөкджыкъясөс и пырөны и олөны сэні; и сэтшөм мортыслы овлө бөръяыс лөкджык воддза дорсьыс. Тадзи лоө тайө лөк чужысьяскөд.

46 Кор Исус висьтавліс йөзыслы, локтісны Мамыс и вокъясыс Сылөн и сулалісны ортсыас, көсійсны сёрнитны Сыкөд.

47 И кодкө шуис Сылы: со, Мамыд Тэнад и вокъясыд Тэныд сулалөны ортсыас, көсийны сёрнитны Тэкөд.

48 А Сійө воча кылөн шуис висьталысьыслы: коді Мамыс Менам и коді вокъясыс Менам?

49 И Аслас велөдчысьясыс вылө кинас индөмөн шуис: со, мамыс Менам и вокъясыс Менам;

50 И коді вөчө Менам Енэжвыв Бать көсийөм серти, сійө Меным вок и чой и мам.

### 13 Юр

1 Сійө жө лунө, керкасыс петөм бөрын, Исус пуксис море дорө.

2 И Сы дінө чукөртчисны уна йөз, сідз мый Сійө пырис пыжө и пуксис, а став йөзыс сулалісны вадорас. Лк. 8,4.

3 И Сійө велөдіс найөс уна нөдкывъяс висьтавлөмөн: со, кодзысь петіс кодзны;

4 И кор Сійө кодзис, өтияс усины туй дорө, и лэбзисны лэбачъяс и кокалісны найөс.

5 Мөдъяс усины изъяинө, көнi этша вөли  
муыс, и өдйө петалис, сы вөсна мый муыс вөли  
ляпкыд;



6 И кор петис шондi, найөс пөжис, и кыдзи  
эз вөв вужйыс, косьмисны.

7 Мукөдыс усины лежнөг пытшкө, и лежнө-  
гыс быдмис и пөдтис найөс.

8 Мукөдыс усины бур му вылө и вайисны тусьяс: өтияс сё пөвстөн, мөдьяс квайтымынөс; а мукөдыс комын пөвстөн.

9 Кодлөн эм пельяс кывны, сійө кылө.

10 А велөдчысыясыс, матыстчөмөн, шуисны Сылы: мыйла нөдкывъясөн висьтавлан налы?

11 Сійө воча кылөн шуис налы: сы вөсна, мый тиянлы сетөма төдны Енэжвыв Царстволысь гусяторъяс, а налы абу сетөма.

12 Та вөсна, кодлөн эм, сылы лоө сетөма и содө, а кодлөн абу, сылысь лоө босьтөма и сійө, мый эм.

13 Сы вөсна висьтала нөдкывъясөн налы, мый найө видзөдөны и оз аддзыны, кывзөны и оз кывны и оз гөгөрвоны;

14 И на вылын инө Исаиялөн висьталөмыс, коді шуө: пельнаныд кыланнды и онө гөгөрвоёй, и синнаныд видзөдны понданныд и онө аддзөй;

15 Сэтшөма чорзөма сьөлөмныс тайө йөзыслөн, и пельнаныс сьөкыда кылөны, и синнысө кунисны ассъыныс, медым эз аддзыны синъясныс, и эз кывны пельясныс, и эз бергөдчыны, медым Ме бурдөді найөс.

16 А тиян шудаөсь синъясныд, мый аддзөны, и пельясныд тиян, мый кылөны.

17 Та вөсна веськыда висьтала тиянлы, мый уна пророкъяс и бурноголысыяс көсийисны аддзывны, мый ті аддзанныд, и эз аддзывны, и кывны, мый ті кыланнды, и эз кывлыны.

18 А ті кывзөй нөдкывсө көдзысыс йылысь:

19 Быдөн динө, коді кылө Царство йылысь кывсө и оз гөгөрво, локтө ылөдысь и гусялө сылысь сьөлөмас көдзөмсө; со, кодөс петкөдлө туй дорас көдзөмыс.

20 А изъяинё кӱдзӱмыс петкӱдлӱ сійӱс, кодӱ кылӱ кывсӱ и дзик пыр долыда босьтӱ сійӱс;  
 21 Но ас пытшкас абу вужыйс и кутчысьны оз вермы: кыдзи сӱмын воӱ шог или кывйыс вӱсна вӱтлӱм, дзик пыр ылалӱ.

22 А лежнӱг пытшкӱ кӱдзӱмыс петкӱдлӱ сійӱс, кодӱ кылӱ кывсӱ, но тайӱ олӱмса тӱждысьӱмыс и озырлунлӱн ылӱдӱмыс пӱдтӱны кывсӱ, и сійӱ овлӱ тусьяссӱ вайтӱм.

23 А бур му вылӱ кӱдзӱмыс петкӱдлӱ кывсӱ кылысьясӱс и гӱгӱрвоысьясӱс, кодӱ и овлӱ тусьяссӱ вайысьӱн, сӱдз мый мукӱдыс вайӱ тусьяссӱ сӱ пӱвстӱн, мукӱдыс квайтымынӱс, а мукӱдыс комын пӱвстӱн.

24 Мӱдпӱлӱс нӱдкыв сетӱс Сійӱ, налы висьталӱмӱн: Енӱжвыв Царство мортлы кодь. кодӱ кӱдзис бур кӱйдыс аслас му вылӱ;

25 А йӱзыс узиг костӱ, локтӱс сылы лӱк вӱчысь и кӱдзис шобдӱ пытшкас шойтусьяс и мунӱс.

26 Кор петалис шобдӱыс и тыдовтчис шептӱс, сӱки кыпӱдчисны и шойшепъяс.

27 Сӱки керкаса кӱзяиныслӱн уджалысьяс локтӱсны и шуисны сылы: кӱзяин! тӱ эн-ӱ бур кӱйдыс кӱдзлив аслад му вылӱ?

Кытысь нӱ сы вылын шойшепъясыс?

28 Сійӱ висьталӱс налы: мортлы лӱк вӱчысь тайӱс вӱчис. А уджалысьясыс шуисны сылы: кӱсьян кӱ ми мунам и бӱръям найӱс.

29 Но сійӱ шуис: энӱ, медем шойшепъяссӱ бӱрйигӱн, тӱ энӱ нетшкӱй шобдӱсӱ ӱтлаын накӱд;

30 Кольӱй найӱс ӱтлаын быдмыны вундытӱдз, а вундӱгӱн ме висьтала вундысьяслы: водздзык чукӱртӱй шойшепъяссӱ и кӱртавлӱй

найӧс кӧртӧдъясӧн, медым сотны найӧс; а шобдӧсӧ идралӧй Менам йӧртӧдӧ.

31 Мӧдпӧлӧс нӧдкыв Сійӧ сетӧс налы висьталӧмӧн: Енӧжвыв Царство гормӧг тусь кодь, кодӧс босьтӧс морт и кӧдзис аслас му вылӧ.

32 Сійӧ медся ичӧт быдпӧлӧс кӧйдысысь, но кор быдмас, лоӧ ыджыд став кӧдзасысь и лоӧ пуӧн, сӧдз мый лӧбзьӧны енӧжса лӧбачъяс и поздысьӧны сійӧ лапъясӧ.

33 Мӧдпӧлӧс нӧдкыв Сійӧ висьталӧс налы: Енӧжвыв Царство няньшом кодь, кодӧс босьтӧс нывбаба и пуктӧс куим кӧтас пызь пытшкӧ, кытчӧдз эз шоммы ставыс.

34 Исус ставсӧ тайӧ висьтавлӧс йӧзыслы нӧдкывъясӧн, и нӧдкывъястӧг эз висьтавлы налы.

35 Медым инӧс пророк пыр висьталӧмыс, кодӧ шуӧ: нӧдкывъясӧн осьта вомӧс Ассым; висьтала гусяторъяс му пуксьӧмсянь.

36 Сӧки, йӧзсӧ лӧдзӧм бӧрын, Исус пырис керкаӧ. И матыстчисны Сы дӧнӧ велӧдчысьясыс Сылӧн и шуисны: висьтав мянлы нӧдкывсӧ му вывса шойшепъяс йылысь.

37 И Сійӧ воча кылӧн висьталӧс налы: бур кӧйдыс кӧдзысьясыс эм Мортлӧн Пи;

38 Кӧдзӧм муыс — тайӧ муыгыдыс; бур кӧйдысыс — Царстволӧн пьян, а шойшепъясыс-омӧльыслӧн пьян.

39 Лӧк вӧчысьясыс, кодӧ кӧдзис найӧс — дьявол; вундӧмыс эм нӧмыслӧн помасьӧмыс, а вундысьясыс лӧбны Ангелъяс.

40 И кыдзи чукӧртӧны шойшепъяс и сотӧны биӧн, сӧдзи лоӧ тайӧ нӧм помасигас;

41 Мортлӧн Пи мӧдӧдас Ангелъясӧс Ассыс, и чукӧртасны Сылӧн Царствоысь ставнысӧ ылӧдчысьясӧс и лӧк вӧчысьясӧс.

42 И шыбытасны найӧс биа пачӧ; сӧні лоӧ бӧрдӧм и пиньяснысӧ йирӧм.

43 Сэки бурноголысьяс пондасны дзирдавны кыдзи шондӧ, найӧ Батьлӧн Царствоын.

Кодлӧн эм пельяс кывны, сійӧ кылӧ.

44 Нӧшта Енӧжвыв Царство му пытшкӧ дзебӧм озырлун кодъ, кодӧс морт аддзӧм бӧрас, дзебис и мунӧс долыда и ставсӧ вузалӧс, мый вӧлі сылӧн и ньӧбис сійӧ мусӧ.

45 Нӧшта Енӧжвыв Царство купеч кодъ, кодӧ корсьӧ бур бисеръяс;

46 Кодӧ, ӧти дона бисер аддзӧм бӧрын, мунӧс и вузалӧс ставсӧ, мый вӧлі сылӧн и ньӧбис сійӧс.

47 Нӧшта Енӧжвыв Царство мореӧ чӧвтӧм тыв кодъ, кодӧ тывйыштӧ быд пӧлӧс черисӧ;

48 И кор сійӧ тырӧ, кыскӧны берег вылӧ, и пуксьӧмӧн бурьяссӧ чукӧртӧны дозьясӧ, а лӧкьяссӧ шыблалӧны ортсӧ.

49 Тадзи лоӧ нӧм помасигас: петасны Ангельяс и лӧкьяссӧ торйӧдасны бурноголысьяс пӧвстысь,

50 И найӧс шыбытасны биа пачӧ: сӧні лоӧ бӧрдӧм и пиньяснысӧ йирӧм.

51 Исус юалӧс налысь: тӧ гӧгӧрвоанныд-ӧ тайӧ ставсӧ? Найӧ шуисны Сылы: да.

52 А Сійӧ шуис налы: та вӧсна быдӧн, гижӧдтӧдысьяс, кодьяс велӧдчӧны Енӧжвыв Царствоӧ, кӧзьяиныслы кодьяс, кодьяс петкӧдӧны асланыс эмбурвидзанӧнысь выльсӧ и важсӧ.

53 И кор Исус помалӧс тайӧ нӧдкывьяссӧ, мунӧс сӧтысь.

54 И Аслас чужан муӧ воӧм бӧрын, велӧдис налӧн вичкоын, сӧдз мый шензисны найӧ и

сёрнитисны: кытысь Сылён татшөм сюсь мыв-кыдыс и выныс?

55 Абу-ө Сійö плөтниклөн Пи? Оз-ө Мамыс Сылён шусьы Марияён, и вокаясыс Сылён Яков, Иосий, Симон и Иуда?

56 И чойясыс Сылён абу-ө ставныс миян пөвстынөсь? Кытысь нө Сылён тайö ставыс?

57 И ылалісны Сы йылысь. А Иусу шуис налы: оз овлы ошкытөм пророк, сөмын аслас чужан муас и аслас гортас кындзи.

58 И сәні эз вөч уна чудесаяс налөн верит-төмныс вөсна.

## 14 Юр

1 Сійö кадö нельөд юкөнөн веськөдлысь Ирод кыліс сёрни Иусу йылысь,

Мк. 6,14; Лк. 9,7.

2 И шуис аслас отсасысьяслы: тайö Пыртысь Иоан, сійö чеччис кулөминсьыс и сы вөсна сійö вөчö шензянторъяс.

3 Тайö Ирод, босьтіс Иоанөс, сійөс көрталіс и пуксьөдіс тюрьмаө Иродиада понда, аслас вок Филип гөтыр вөсна.

4 Сы вөсна мый Иоан шуліс сылы: мый сійөс оз позь босьтны тэныд гөтыр пыдди.

5 И көсийс вины Иоанөс, но поліс йөзсьыс, сы вөсна мый Иоанөс лыддисны пророкөн.

6 Но, Ирод чужан лунö, иродиадалөн нылыс йөктіс чукөртчөм йөзыс водзын и шогмана лои Иродлы;

7 Сы вөсна Ирод ёркылөн көсийсис сетны нылыслы, мый сөмын корас сійö.

8 А сійö, аслас мамыс вашкөдөм кузя, шуис: вай меным тані, тасьтiö пуктөмөн, Пыртысь Иоанлысь юрсö.

9 И шöйöвошис цар; но, пукалысьяс водзын көсйысьöмыс кузя, тшöктiс сетны сылы.

10 И ыстiс керыштны юрсö Иоанлысь тюрмаын.

11 И вайисны юрсö сылысь тасьтiö пуктөмөн, и сетiсны нылыслы, а сійö нуис аслас мамыслы.

12 Иоанлөн велөдчысьяс, локтiсны, босьтiсны шойсö сылысь и гуалiсны сійöс; и мунiсны, висьталiсны Исуслы.

13 Кор кылiс Исус, ылыстчис сэтысь ас кезьын овтöминö пыжөн, а йöзыс, кор кылiсны та йылысь, вöтчисны Сы бöрся подөн асланыс оланiнгьяссянь.

14 Исус, пыжсьыс петөм бöрын, аддзис уна йöзöс и жалитiс найöс и бурдöдалiс висьысьясöс налысь.

15 А кор воис рыт, матыстчисны Сы дiнö велөдчысьясыс Сылөн и шуисны: танi овтöмин, и кадыс сёр нин, лэдз йöзсö, медым найö мунасны сиктъясö и ньöбасны сёян аслыныс.

16 Но Исус шуис налы: оз ков мунны налы, тi сетöй сёйнысö налы.

17 А найö шуöны Сылы: миян танi сöмын вит нянь и кык чери.

18 Сiйö шуис: вайö найöс татчö Меным.

19 И тшöктiс пуксявны йöзыслы турун вылас, и вит няньсö и кык черисö босьтөмөн, видзöдлiс Енэжыс вылö и бурсиигтырйи чегис няньяссö и сетiс велөдчысьясыслы, а велөдчысьясыс йöзыслы.

20 И ставныс сёйсны и пөтисны; и кольём торъяссө чукөртисны дас кык куд тыр;



21 А сёйысыйс вөлі вит сюрс кымын морт, нывбабаясыс и челядыс өтдор.

22 И дзик пыр Исус тшөктіс Аслас велөдчысыясылы пырны пыжө и вуджны Сыыс водзджык мөдлапөлас, йөзсө лэдзиг кості.

23 И йөзсө лэдзөм бөрын, Сійө кайис гөра вылө, ас кежас кевмысьны и рытнас кольтчис сэтчө өтнас.

24 А пыжыс вөлі нин море шөрас, и гыясыс нөйтисны пыжсө, сы вөсна мый төлыс вөлі паныда.

25 Войнас, нельөд видзана кадө, Исус матыстчис на дінө, море вывтисө локтігтырйи.

26 А велөдчысыясыс, кор аддзисны Сылыс море вывті локтөмсө, шөйөвошисны и шуалисны: тайө орт вуджөр; и повзьөмнысла горөдисны.

27 Но Исус дзик пыр шыасис накөд и шуис: энө полөй, ланьтөй; Тайө Ме.

28 Петыр шуис Сылы: Господьөй, Тайө кө Тэ, шу меным локны Тэ дінө ва вывтисө.

29 Исус шуис сылы: лок. И Петыр пыжсыс петис и муніс ва вывтисө, медым матыстчыны Исус дінө.

30 Но кор ыджыд төлыс вылө видзөдлөм  
вөсна повзис, пондiс вöйны и горөдiс: Гос-  
подьöй! кут менö, вöя.

31 Исус дзик пыр нюжөдiс кисö, кутьштiс  
сiйöс и шуис сылы: этша веритысь, мыйла тэ  
повзин?

32 И кор найö пырисны пыжö, төлыс лөнис.

33 А пыжас вöлысьяс, матыстчөмөн, копырт-  
чылiсны Сылы и шуисны: дзик збыльысь Тэ  
Енлөн Пи.

34 И вуджөм бöраныс, воисны найö Генни-  
саретса му вылö.

35 Сэтчөс олысьяс, кор төдмалiсны Сiйöс, мө-  
дөдiсны юөртны сы гөгöрын олысьяслы и Сы  
дiнö вайөдiсны висьысьясöс ставнысö.

36 И корисны Сылысь, медым сөмын инмөд-  
чывны Сылы паськөм помас; и кодъяс ин-  
мөдчылiсны, бурдiсны.

## 15 Юр

1 Сэки локтiсны Исус дiнö Ерусалимсянь  
гижөдтөдысьяс и фарисейяс и шуöны: Мк. 7,1.

2 Мыйла велөдчысьясыд Тэнад вуджöны пö-  
рысьяслысь шуөмсö? Со, оз мыськыны кияс-  
нысö ассьыныс, кор сөйöны нянь.

3 А Сiйö воча кылөн шуис налы: мыйла нö и  
тi вуджанныд Енлысь Тшөктөмсö, асланыд  
шуөмъясныд вөсна?

4 Тадзи Тшөктiс Ен: бурö пукты батытö и  
мамтö; а кодi лөк кывйөн шуас батысö или  
мамсö, мед лөкас кулөмөн кулас.

5 А тi висьталанныд: кодi шуас батыслы  
или мамыслы: мясянь тэныд тайö коланторсö  
сетөм дорысь, сета Енлы.

6 Тадзи сійö вермö кедзовтны ассъыс батьсö или ассъыс мамсö; со кызди тi вежинныд Енлысь Тшöктöмсö асланыд шуöмъясныд вöсна.

7 Ылöгбанъясöй! бура водзвыв висътавліс тiян йылысь Исаия:

8 Тайö йöзыс матыстчöны Ме дінö асланыс вомнаныс и Менö бурö пуктöны кывнаныс, а сьöлöмныс налөн ылын сулалö Месянь;

Ис. 29,13.

9 Дзик ковтöм буралöмөн, бурö пуктöны Менö, велöдöны мортъяслөн тшöктöм велöдöмъясö.

10 И йöзсö корöм бöрын, шуис налы: кывзöй и гөгөрвоёй:

11 Мортöс оз пежав сійö, мый пырö вомас, но мортöс пежалö сійö, мый петö вомсьыс.

12 Сэки велöдчысьясыс Сылөн, матыстчöмөн, шуисны Сылы: тöдан-ö, мый фарисейяс, тайö кывсö кылöм бöрын, дözмисны?

13 А Сійö воча кылөн шуис налы: быд пöлöс быдмөг, кодöс эз сувтöд Енэжвыв Бать Менам, вужнас нетшыштчас.

14 Кольöй найöс, найö синтöмъяслөн синтöм нуöдысьяс, а синтöм кö нуöдö синтöмöс, сэки кыкнанныс усьöны гуö.

Лк. 6,39.

15 А Петыр воча кылөн шуис Сылы: восьт тайö нöдкывсö миянлы.

16 Исус шуис: тi öмöй онö на гөгөрвоёй?

17 Пыр на онö вежөртöй. Ставыс, мый пырö вомö, мунö кынöмö и петö ортсö.

18 А мый петö вомысь — петö сьöлöмсянь; сійö пежалö мортöс;

19 Сы вöсна мый сьöлöмысь петöны лөк мөвпъяс, виөмъяс, гозъякостторкөмъяс, лөк-

ноголѡмгъяс, гусясьѡмгъяс, ылѡгвисьталѡмгъяс, омѡльтѡмгъяс:

20 Тайѡ пежалѡ мортѡс; а сѡйны мыссьытѡм киясѡн — оз пежав мортѡс.

21 И сѡтысь петѡм бѡрын, Исус муніс Тирса и Сидонса муясѡ.

22 И со, сѡтчѡс оланінысь петіс Хананейса нывбаба и горзіс Сылы: ло бур сьѡлѡма ме дінѡ Господьѡй, Давидлѡн Пи! Налѡс менсьым чорыда пєслѡдлѡ пєжлов.

23 Но Исус эз шу весиг ѡти кыв сылы. Сѡки велѡдчысьясыс Сылѡн, матыстчѡмѡн, корисны Сылысь: лѡдз сійѡс, сы вѡсна мый горзѡ миян бѡрся.

24 А Сійѡ вѡча кылѡн шуис: Менѡ мѡдѡдѡма сѡмын Израиль керкаса вошѡм ыжгъяс дінѡ.

25 А нывбабаыс, матыстчѡмѡн, копрасис Сылы и шуаліс: Господьѡй, отсав меным.

26 Но Исус вѡча кылѡн шуис: абу лѡсьыд босътны нянь челядълысь и шыбытны понгъяслы.

27 Нывбабаыс шуис: сідзи Господьѡй, но и понгъяс сѡйѡны пыркысьяссѡ, кодгъяс гылалѡны пызан вылысь найѡ кѡзьяингъяслѡн.

28 Сѡки Исус вѡча кылѡн шуис сылы: о, аньѡй! ыджыд вера тѡнад; мед лоѡ тѡныд кыдзи тѡ кѡсьян. И дзик пыр бурдіс нылыс сьылѡн.

29 Сѡтысь водзѡ мунігѡн, Исус воис Галилейса море дорѡ и кайис гѡра вылас и пуксис сѡтчѡ.

30 И Сы дінѡ матыстчисны уна йѡз, аскѡдныс вѡліны коктѡмгъяс, немѡйяс, сінтѡмгъяс,



доймаломъяс и уна мукөдъяс, и пукталісны найөс Иусу кокъяс дорө; и Сійө бурдөдаліс найөс;

31 Сідз мый йөзыс шензисны, кор аддзисны доймаломъяслысь бурдөмсө, коктөмъяслысь ветлөмсө, синтөмъяслысь аддзөмсө и немөйяслысь сёрнитөмсө и ошкисны Израильлысь Енмөс.

32 А Иусу Ассыс велөдчысьяссө корөм бөрын, шуис налы: жальөсь йөзыс Меным, мый налөн нинөм абу сөйнысө, а сөйтөг ог көсйы лэдзны найөс, медым вынсьыныс эз усьны туй выланыс; өд куим лун нин найө Ме дінынөсь.

33 А велөдчысьясыс Сылөн шуисны Сылы: кытысь миянлы босьтны сы мында няньсө овтөминас, медым вердны та мында йөзөс?

34 Иусу шуө налы: кымын нянь тіян? А найө шуисны: сизим и этшаник чери.

35 Сэки тшөктіс йөзыслы пуксявны му вылас.

36 И сизим няньсө и черияссө босьтөмөн, Енлы кевмысьөм бөрын, чегис и сетіс Аслас велөдчысьяслы, а велөдчысьясыс — йөзыслы.

37 И ставныс сёйсны и пөтисны; и кольём торьяссө чукөртисны сизим куд тыр.

38 А сёйссыс вөлі нель сюрс кымын войтыр, нывбабаясыс и челядыс кындзи.

39 И йөзсө лэдзөм бөрын, Сійө пырис пыжө и воис Магдалинаса му вылө.

## 16 Юр

1 И матыстчисны фарисейас и саддукейас и Сійөс дөзмөдөм могыс, корисны петкөдлыны налы енэжсянь индыс пас. Мк. 8,11; Лк. 12,1.

2 А Сійө воча кылөн шуис налы: рытнас ті шуанныд: сэздас, сы вөсна мый енэжыс гөрд;

3 И асывводзнас шуанныд: талун зэрмас, сы вөсна мый енэжыс гудыртчө. Ылөгбаньясөй! Енэжыслыс чужөмбансө торйөдны ті кужанныд, а кадыслыс индыс пассө онө төдө.

4 Ылалөмсянь лёкас чужысыас корсьоны индыс пас, и налы индөм вылө пас оз ло сетөма, Иона пророклөн индөд пас кындзи.

И найөс эновтис и мунис.

5 Мөдлапөлас вуджигөн, велөдчысыс Сылөн вунөдисны босьтны няньяс; Лк. 11,29.

6 А Исус шуис налы: кывзөй, видчысөй фарисейаслөн и саддукейаслөн няньшомыс.

7 А найө мөвпалисны ас йывсыныс и сёрнитисны: ми өд няньястө эгө босьтөй.

8 Исус төдіс тайө и шуис налы: мый мөвпаланныд ас костаныд, этша веритысыас, мый няньяс энө босьтөй.

9 Энө на өмөй гөгөрвоөй и онө кутөй төд выланыд вит нянь йывсыс вит сюрс мортыслы вылө, и кымын куд тыр ті чукөртінныд?

- 10 Ни сизим нянь йывсьыс нель сюрсыслы  
 вылө, и кымын куд тыр ті чукөртінныд?
- 11 Кыдзи нө ті онө гөгөрвоёй, мый Ме ог  
 висьтав нянь йылысь тiянлы, но висьтала:  
 виччысьёй фарисейяслөн и саддукейяслөн  
 шоммөдөмысь.
- 12 Сэки гөгөрвоисны найө, мый Сійө висьта-  
 ліс налы виччысьны эз нянь шомысь, но фа-  
 рисейяслөн и саддукейяслөн велөдөмысь.
- 13 Кесар Филиплөн му вылө воөм бөрын,  
 Исус юалис Аслас велөдчысьяслысь: йөзыс  
 код пыдди лыддьоны Менө, Мортлысь Писө?
- 14 Найө висьталісны: өтияс Пыртысь Иоан  
 пыдди, мөдъяс Илия пыдди, а мукөдіс Еремия  
 пыдди, или пророкъяс пытшкысь өтикөс.
- 15 Исус шуө налы: а ті код пыдди лыддян-  
 ныд Менө?
- 16 Симон Петыр воча кылөн шуис: Тэ —  
 Христос, Ловъя Енлөн Пи.
- 17 Сэки Исус воча кылөн шуис сылы: тэ  
 шуда, Симон, Ионлөн пи, сы вөсна мый эз яй  
 и вир восьтны тайө тэныд, но Менам Бать,  
 Коді Енэжъяс вылын.
- 18 И Ме висьтала тэныд: тэ — из, и тайө из  
 вылас Ме сувтөда Аслым бур мывкыдө бер-  
 гөдчөм йөзөс, кодъясөс адлөн выныс оз вер-  
 мы. Лк. 22,31.
- 19 И Ме сета тэныд восьтны Енэжвыв Цар-  
 ствосө, и мый көрталан му вылын, сійө лоө  
 көрталөма Енэжъяс вылын, и мый разян му  
 вылын, сійө лоө разьөма Енэжъяс вылын.
- 20 Сэки Исус өлөдіс Аслас велөдчысьяслы,  
 медым эз висьтавлыны некодлы, мый Сійө эм  
 Исус Христос.

21 Сійö кадсянь Исус пондiс восьтны Аслас велöдчысьяслы, мый Сылы ковмас мунны Ерусалимö и уна нуны сьöкыдсö ыджыдалысьяссянь, аркирейясянь и гижöдтöдысьяссянь, и лоö виöма, но коймöд луннас ловзяс.

22 Сэки Петыр, Исусöс бокö корöмөн, пондiс паныд шуавны Сылы: ло мелi Ас дiнад Господьöй! Мед оз ло тайö Тэкöд!

23 А Исус, бергöдчöмөн шуис Петырлы: тэ вешйын Ме дiнысь, бөрвылын сатана; тэсянь тайö абу бур вылö Меным, сы вöсна мый тэ мөвпалан он сы йылысь, мый Енлөн, а мый мортъяслөн.

24 Сэки Исус шуис Аслас велöдчысьяслы: кодi кöсйö локны Ме бөрся, бергöдчы ачыд ассьыд, босьт сьöкыдсö ассьыд и лок Ме бөрся;

25 Сы вöсна мый кодi кöсйö видзны ассьыс олöмсö, сийö воштас сийöс, а кодi воштас олöмсö ассьыс Ме вöсна, сылы сюрö сийö.

26 Кутшöм колантор мортлы, сийö кö босьтас ставнас муыгыдсö, а вöчас лёк аслас олöмыслы? Или кутшöм дон сетас морт ассьыс олöмсö ньöбöм вылö?

27 Öд кор локтас Мортлөн Пи Аслас Бать мичлунөн, Аслас Ангелъяскöд, сэки быдөнлы сетас налөн уджъяс сerti.

28 Вескыда висьтала тiянлы: танi сулалысьяс пöвстысь эмöсь кодсюрö, кодъяс оз тöдлыны кулöмсö, кыдзи аддзасны нин Мортлысь Писö, Аслас Царствоын Локтысьöс.



## 17 Юр

1 Квайт лун мысьти Исус босьтис Петырös, Яковös да Иоанös, сылысь воксö, и найös öт-нанысö кыпöдис джуджыд гöра вылö,

Мк. 9,2; Лк. 9,28.

2 И вежсис на водзын: и чужöмыс Сылön дзирдалис кызди шонди, а паськöмыс Сылön лои югьялана еджыд.

3 И со, налы петкöдчисны Моисей да Илия, и сёрнитисны Сыкöд.

4 Сэки Петыр шуис Исуслы: Господьöй! лöсьыд миянлы лоны танi; кöсьян кö вöчам куим чом татчö: Тэныд öтикös, Моисейлы öтикös, и öтикös Илиялы.

5 Кор сийö сёрнитис на, со, югыд кымөр вевтис найös; и со, кымöрсяньыс кылис висьталöм шы: Тайö Менам ёна муса Пи, Код пытшкын Менам буралöмыс; Сылысь кывзöй.

6 Кор тайö кылис, велöдчысьясые усини кымыньön асланыс чужöм вылö и ёна повзисны.

7 Но Исус, матыстчöмön, инмöдчис налы и шуис: чеччöй и энö полöй.

8 А кор найö осьтисны сингьяссö асьыныс, некодös эз адззыны, öтнассö Исусös кындзи.

9 И кор вöли лэчöны найö гöра вывсьыс, Исус öлöдис найös, шуалöмön: некодлы энö висьтавлöй тайö адззылöм йылысь, кытчöдз Мортлön Пи оз чеччы кулöминись.

10 И Сылön велöдчысьясые юалисны Сылысь: а кызди нö гижöдтöдысьяс шуöны, мый Илиялы водзджык колö волыны?

11 Исус воча кылön шуис налы: Илия збыльысь водзджык локтас и лöсьöдас ставсö.

12 Но висьтала тiянлы, мый Илия локтiс нин, и эз тiдны сийiс, и вiчисны ськiд, кьдзи кiсйисны, сiдзи Мортлiн Пи страдайтас на-сянь.

13 Сэки велiдчысьясыс гiгiрвоисны, мый Сийi висьталiс налы Пыртысь Иоан йылысь.

14 Кор найi воисны йiзыс дiнi, сэки Сы дiнi матыстчис морт, и Сы водзi пидзiсъяс вылас сувтiмiн,

15 Шуис: Господьi! мезды пиiс менсьым; сийiс выль тiлысьясi сьiкьда висьiдi, весиг унаысь шыбытчылис биi и унаысь ваi.

16 Ме вайiдлi сийiс Тэнад велiдчысьяс дiнi и найi эз вермыны бурдiдны сийiс.

17 А Исус воча кылiн шуис: о, пiганiй и пежасьiм йылiм! Кытчiдз тiянкiд лоа? Кытчiдз тiянiс понда терпитны?

Вайiд сийiс Ме дiнi татчi.

18 Исус iлiдiс сылы; и сы пытшкысь петiс пежлов, и зонмыд бурдiс дзик пыр.

19 Сэки велiдчысьясыс, ас кежаныс матыстчисны Исус дiнi и шуисны: мыйла ми эгi вермi вiтлыны сийiс?

20 Исус шуис налы: тiян веритiмныд вiсна, тадзи веськьда висьтала тiянлы: лоас кi вераныд тiян гiрмiг тусь ьджда и шуанныд тайi гiраыслы: вешьы татысь сэтчi, и сийi вешъяс; и вермытiмыс нинiм оз ло тiянлы.

Мк. 11,23.

21 (А тайi йылiмыс вiтлысьсi сiмын кевмысьiмiн и видзалiмiн.)

22 Кор найi вiлины Галилейынiс, Исус висьталiс налы: Мортлiн Пи лоi сетiма мортъяслiн киясi.

23 И виасны Сійос, но коймөд луннас ловзяс. И найö ёна жугыльтчисны.

24 А кор найö воисны Капернаумö, сэки матыстчисны Петыр дінö вот чукөртысьяс и шуисны: тiян Велöдысьныд оз-ö сет дидрахмаяс?\*

25 Петыр шуис: сетас. И кор сійö пырис керкаö, сэки Исус, сійос öлөдөмөн, шуис: Симон, кызди тэ мөвпалан? му вывса царъяс кодъяслысь босьтöны вотъяс или налогъяс? асланыс пиянлысь или бокысалысь?

26 Петыр шуö Сылы: бокысалысь. Сидзнад пияныс прөстөсь;

27 Но медым найос эз ло ылөдөма миян, мун море ылө, шыбыт вугыр и медводдза черисö, кодi шедас, босьт; и восьт вомсö сылысь, и сюрас статир;\* босьт сійос и сет налы, Ме пыдди и ас пыддиыд.

## 18 Юр

1 Сійö кадö велөдчысьясыс матыстчисны Исус дінö и юалисны: кодi ыджыдджык Енэжвыв Царствоын? Мк. 9,33; Лк. 9,46.

2 Исус корис кагаос, и сійос сувтөдiс на шөрö.

3 И шуис: веськыда висьтала тiянлы, онö кө бергөдчöй и онö лоöй кызди кагаяс, онö пырöй Енэжвыв Царствоö. Мт. 19,13.

4 Кодi ичөтнөдчас, кызди тайö кагаыс, сійö лоö ыджыдөн Енэжвыв Царствоын.

5 И кодi сибөдас öти татшөм кагаос Менам ним кузя, сійö сибөдö Менö;

6 А кодi ылөдас öтикөс тайö ичөтъяс пытшкысь, Меным веритысьсöс, сылы бурджык

эськө вöлі, сылы кө öшөдісны сылі вылас мельнича изки и сійөс шыбытісны джуджыд море пыдөсө.

7 Курыд шог муюгыдыслы ылөгъясысь, сы вöсна мый мырдөн локтöны ылөгъясыс, но курыд шог сійö мортыслы, код пыр локтö ылөгыс.

8 Тэнад кө кийд или тэнад кокыд ылөдö тэ-нö, керышт найöс и шыбыт ас бердсьыд: бурджык тэныд пырны олөмö китөг или коктөг, кыкнан кинад или кыкнан кокнад помасьлы-төм биö шыбытөм дорысь.

9 И тэнад кө синмыд ылөдö тэнö, перйы сійöс и шыбыт ас бердсьыд: бурджык тэныд пырны олөмö öти синмөн, кыкнан синнад биа адö шыбытөм дорысь.

10 Виччысьöй, кодöс кө нинөм туйö пунктö-мысь, весиг öтикöс тайö ичөтъяс пытшкысь; тiянлы висьтала, мый налөн Ангелъяс Енэж вылын пыр аддзöны чужөмсö Менам Енэж-выв Батьлысь.

11 (Мортлөн Пи локтіс корсьны и мездыны вошысьясöс.)



12 Кызди ті мөвпаланнуд? Кодлөн лоас кө сё ыж и на пытшкысь вошас өти, сэки оз-ө коль сійө өкмысдас өкмыссө ыб вылө и оз-ө мун корсьны вошөмсө?

13 И сюрас кө сійө шуд вылө, веськыда висьтала тiянлы, сiйө нимкодясьө сы йылысь ёнджыка, өкмысдас өкмыс вошлытөмъясыс до-рысь.

14 Тадзи жө тiян Енэжвыв Бать оз көсйы, медым вошис өти тайө ичөтъяс пөвстысь.

15 А тэнад кө вокыд мыжмас тэнлы паныд, мун и висьтав сылы ас костаныд өткөн; кывзас кө тэнсьыд, сэки тэ корсин воктө ассьыд.

16 А оз кө кывзы, аскөдыд босьт өтикөс или кыкөс, медым кык или куим висьталысь вомъясөн збыльмис быд кыв.

17 А оз кө кывзы налысь, висьтав бурас олысь йөзлы; а оз кө кывзы налысь, сэки мед сiйө лоө тэныд, кызди ентөдтөм и мытар.

18 Веськыда висьтала тiянлы: мый тi көрталанныд бурсө му вылын, сiйө лоө көрталөма Енэж вылын; и мый разянныйд лөксө му вылын, сiйө лоө разьөма Енэж вылын.

19 Сидзи жө веськыда висьтала тiянлы: кыкөн кө тiян пытшкысь сёрнитчасны өтвыв му вылын корны, мый сөмын найө көсйөны, сэки мый эськө сөмын корасны, лоө налы Менам Енэжвыв Батьсянь;

20 Öд көни чукөртчөны кыкөн или куимөн Менам ним кузя, сәни Ме на шөрын.

21 Сэки Петыр матыстчис Сы дiнө и шуис: Господьöй! кымынысь прөсьтитны аслам воклы, сiйө кө пондас мыж вöчны менлы паныд? сизимысьөдз өмөй?

22 Исус шуё сылы: ог шу тэныд: сизимысь, но сизимпöv сизимдасысь.

23 Та вöсна Енэжвыв Царство царлы кодь, кодi кöсийс артасыны аслас отсасысьяскöд.

24 Кор сiйö пондiс артасыны, сы дiнö вöли вайöдöма öтикöс, кодi вöли уджйöза сылы дас сюрс талант;

25 А кызди сылөн эз вöv мыйөн мынтысьнысö, сэки сылөн государ тшöктiс вузавны сiйöс и гöтырсö сылысь и челядсьö, и ставсö, мый вöли сылөн, и мынтыны.

26 Сэки сiйö отсасысь сылөн, кымыньөн уськöдчис и кевмысьöмөн шуалис сылы: государ! виччысьышт ме вылын и ставсö мынта тэныд.

27 Государ раммис сiйö кесйög вылö и лэдзис сiйöс и прöсьтитiс уджйöзсö сылысь.

28 А сiйö отсасысь сылөн, петöм бöрас, адзис öтикöс, аслас ёртъяс пытшкысь, кодi вöли уджйöза сылы сё динарий,\* кутiс сiйöс и пондiс джагöдны шуалигтырйи: вай меным, мый тэ уджйöза.

29 Сэки ёртыс сылөн, кокъяс водзас уськöдчис сылы, и кевмысьöмөн шуалис сылы: виччысьыштлы ме вылын, и ставсö сета тэныд.

30 Но сiйö эз кöсийы, а мунiс и пуксьöдiс тюрмаö сiйöс, кытчöдз оз сет уджйöзсö.

31 Сылөн ёртъяс, лоөмторсö аддзöм бöрын, ёна лөгасисны и асланыс государ дiнö локтöмөн, висьталiсны ставсö, мый вöли.

32 Сэки сылөн государ, корис сiйöс и шуö: тэ лёк отсасысь! став уджйöзтö ме прöсьтитi сiйöс тэнсьыд, сы вöсна мый тэ корин менсьым;

33 Эз-ө ков и тэныд прөсьтитны ёртгө ас-  
сьыд, кызди ме прөсьтити тэнө?

34 И сылөн скөрмөм государ сетис сийөс нөй-  
тысьяслы, кытчөдз оз сет став уджийөзсө  
сылы.

35 Тадзи Менам Енэжвыв Бать вөчас тиян-  
көд, оз кө быдөн прөсьтит тиян пытшкысь  
аслас сьөлөмсянь, аслас вокыслы, мыжъяссө  
сылысь.

## 19 Юр

1 Кор Исус помалис Тайө Кывъяссө, мунис  
Галилейысь и локтис Иордан мөдлапөлө, Иу-  
дейса му вылө. Мк. 10,1.

2 Сы бөрся вөтчисны уна йөз, и сэни Сийө  
бурдөдалис найөс.

3 И Сы динө матыстчисны фарисейяс и Сийөс  
дөзмөдөм могыс юасисны Сылысь: быдтор  
вөсна өмөй позьө верөслы юксыны аслас  
гөтырсыс?

4 Исус воча кылөн висьталіс налы: ті өмөй  
энө лыддьывлөй, мый найөс Вөчысь, медвод-  
зысяньыс вөчис верөсөс и гөтырөс? Быт. 1,27.

5 И висьталіс: та вөсна морт эновтө батысь  
и мамсө и йитчө аслас гөтыр динө, и кыкнас  
лооны өти вир-яйөн,

6 Сідз мый найө абу нин кыкөн, но өти вир-  
яй. Та вөсна, мый өтталіс Ен, сийөс морт ме-  
дым оз торйөд.

7 Найө шуоны Сылы: а кызди нө Моисей  
тшөктис сетны юксяна гижөд и торйөдчыны  
гөтыркөд?

8 Исус шуё налы: Моисей лэдзис юксыны тiянлы асланыд гөтыръяскөд, тiян чорыд сьолөм вöсна, а водзынсö эз вöв тадзи;

9 А Ме висьтала тiянлы: кодi юксё аслас гөтырсьыс оз гозйöдчөмсö торкөм вöсна, а мөд вылө гөтрасьөм кузя, сийö гозйöдчөмсö торкө. (И кодi юксёма вылө гөтрасьö, сийö гозья-костторкө.)

10 Велөдчысьяс Сылөн шуöны Сылы: мортлы кö татшөмөн колö лоны гөтыр дорö, сiд-знад бурджык гөтрасьтөг кольтчыны.

11 А Исус шуё налы: оз быдөн кутны тайö кывсö, но кодлы сетöма.

12 Дерт эмöсь гөтрасьтөмьяс, кодьяс мам кы-нөмсянныс чужисны сiдзи; и эмöсь гөтрась-төмьяс, кодьясöс вöчисны мортьяс гөтрась-төмьясөн; и эмöсь гөтрасьтөмьяс, кодьяс ась-нысö вöчисны асьныс гөтрасьтөмьясөн Енэж-выв Царстволы вылө. Кодi вермө босьтсьыны, мед босьтсьö.

13 Сэки Сы дiнö вайöдiсны челядьöс, медым Сийö пуктылис кияссö на вылө и кевмысис; а велөдчысьясыс öлөдiсны найöс.

14 Но Исус шуис: лэдзöй челядьсö и найöс энö паныдалöй локны Ме дiнö, сы вöсна мый татшөмьясыслөн эм Енэжвыв Царство.

15 И на вылө кияссö цуктылөм бöрын, мунiс сэтгысь.

16 И со, кодкö матыстчөмөн, шуис Сылы: Бур Велөдысь! мый вöчны бурсö меным, ме-дым пырны помасьлытөм олөмö?

17 Исус шуё сылы: мый тэ шуан Менö бу-рөн? некод абу бур, öти Ен кындзи. Кöсьян

кө пырны помасьлытөм олөмө, вөч Тшөктө-  
мъяс серти.

18 Сійө шуө Исуслы: кутшөмъяс серти? А  
Исус шуис: эн ви, эн гозъякостторк, эн гу-  
сясь, эн ылөдды;

19 Бурө пукты батытө и мамтө, и любит ас-  
сьыд матысатө, кыдзи ачыд асьтө.

20 Том морт шуө Сылы: ме ставсө тайө вөчи  
аслам том кадсянь, мый нөшта оз тырмы  
меным?

21 Исус шуө сылы: көсьян кө лоны тырвийө  
бурөн, мун, вузавлы овмөстө асьыд и сетав  
гөльяслы; и тэнад озырлуныд лоө Енэжъяс  
вылын; и лок вөтчы Ме бөрся.

22 Тайө кывъяссө кылөм бөрын, том морт  
мунис шогсигтырйи, сы вөсна мый сылөн вөлі  
ыджыд овмөс.

23 А Исус шуис Аслас велөдчысьяслы: весь-  
кыда висьтала тиянлы: озырлы сьөкыд пыр-  
ны Енэжвыв Царствоө.

24 И нөшта висьтала тиянлы: верблюды  
кокныдджык пырны емпыс пыр, озырлы  
Енэжвыв Царствоө пырөм дорысь.

25 Тайө кылөм бөрын, велөдчысьясыс Сылөн  
ёна чуймисны и шуисны: а сідзи кө коді  
вермас мезмынысө?

26 Исус на вылө видзөдлөмөн, шуис: тайө  
мортъяс оз вермыны, а Енлы ставыс вермана.

27 Сэки Петыр воча кылөн шуис Сылы: со,  
ми колим ставсө и вөтчим Тэ бөрся; мый нө  
лоө миянлы?

28 Исус шуис налы: веськыда висьтала тиян-  
лы, мый ті, Ме бөрся вөтчысьяс, — выль  
олөмас, кор Мортлөн Пи пуксяс ыджыд вы-

нөн, пуксянныд и ті дас кыкөн ён вынаёсь торйодны Израильлысь дас кыкнан көленасө; 29 И быдён, коді коляс гортсө, или вокьяссө, или чойяссө, или батысө, или мамсө, или гө-тырсө, или челядсьсө, или мусө Менам ним кузя, сылы лоө сетөма сё пөвстөн унджык и пырас помасьлытөм олөмө.

30 И унаён лооны воддзаясыс бөрьяясөн, и бөрьяясыс воддзаясөн.

## 20 Юр

1 Та вөсна Енэжвыв Царство керкаса көзяин кодь, коді петіс водз асылын медавны уджалысьясөс аслас виноград йөрө. Мт. 21,28.

2 И, уджалысьяскөд динарийён лун кежө сёрнитчөм бёрын, найөс мөдөдіс аслас виноград йөрө.

3 Сійө бара петіс куим час гөгөрын и аддзис мукөдъясөс, кодъяс сулалісны вузасянінын уджтөг,

4 И шуис налы: мунөй и ті менам виноград йөрө, и мыйттөм воас, сета тіянлы. Найө мунісны.

5 Бара петіс квайтөд и өкмысөд часъясө и вөчис сійө жө.

6 Медбөрти петіс дас өти час гөгөрын, и сійө аддзис мукөдъясөс, сулалөны уджтөг, и шуө налы: мый ті сулаланныд лунтыр тані уджтөг?

7 Найө шуөны сылы: некод эз медав миянөс. Сійө шуө налы: мунөй и ті менам виноград йөрө, и мыйттөм воас, босьтанныд.

8 А кор воис рыт, виноград йөрса көзяин шуө аслас уджөн веськөдлысьыслы: кор уджа-

лысьясӧс и сет удждонсӧ налы, бӧръя локтысьяссяныыс пондан сетавны воддзаясӧдзыс.  
9 И дас ӧти час гӧгӧрын локтысьяс босьтисны удждонсӧ динарийӧн.

10 Водзын локтысьяс пондिसны мӧвпавны, мый найӧ босьтасны унджык, но и найӧ босьтисны динарийӧн.



11 И босьтӧм бӧраныс пондисны шуасьны керкаса кӧзяиныс вылӧ,

12 И шуалисны: тайӧ бӧръяясыс уджалисны сӧмын ӧти час, а тэ ӧткодялин найӧс миянкӧд, лунся сьӧкыдсӧ и пӧсьсӧ нуысьяскӧд.

13 А сийӧ воча кылӧн шуис на пытшкысь ӧтилы: ӧртӧй! Ме ӧг ӧтдорт тӧнӧ; эн ӧмӧй динарийысь сӧрнитчыс мекӧд?

14 Босьт асьыд и мун; а талы бӧръяыслы, ме кӧсья сетны сийӧ жӧ, мый и тӧныд.

15 Меным ӧмӧй оз позь вӧчны аслам эмбур вылын, кызди кӧсья? Или синмыд тӧнад колысь сы вылӧ, мый ме бур?

16 Тадзи лӧбны бӧръяясыс воддзаясӧн, а воддзаясыс бӧръясӧн.

17 Ерусалимō кайигөн Исус корис дас кыкнан велōдчысьсō и туй вылас мунигөн шуис налы:

18 Со, ми каям Ерусалимō, и Мортлōн Пи лоō сетōма аркирейяслы, и гижōдтōдысьяслы, и мыждасны Сийōс виōм вылō.

19 И Сийōс сетасны ентōдтōмъяслы видōм вылō и нōйтōм вылō и тувъялōм вылō; но коймōд луннас ловзяс.

20 Сэки матыстчис Сы динō Зеведей пиянлōн мамыс, аслас пияныскōд, и копрасьōмōн мыйкō корис Сылысь.

21 Исус шуис сылы: мый тэ кōсьян? сийō шуō Исуслы: висьтав, медым тайō кык пиыс менам пуксисны Тэ динō, òтикыс веськыдладор бокад, а мōдыс шуйгаладорад, Тэнад Царствоын.

22 Исус воча кылōн шуис: онō тōдōй, мый коранныд; верманныд-ō юны чашасō, кодōс Ме понда юны? Найō шуōны Сылы вермам.

23 Исус шуō налы: Менсьым чаша понданныд юны, но пуксьыны Менам веськыдладор бокō и шуйгаладорō — абу Месянь, но кодлы лōсьōдōма Менам Бать.

24 Кор тайō кылисны мукōд дас велōдчысьыс, лōгасисны кыкнан вокыс вылō.

25 А Исус, корис найōс и шуис: тī тōданныд, мый йōзлōн князьяс ьджыдалōны на вылын, и налōн юралысьяс веськōдлōны наōн.

26 Но тīян костын мед эз ло сїдзи, а кодī кōсийō ьджыдōн лоны тīян пытшкысь, медым отсасьысьōн лоō тīянлы.

27 И кодī кōсийō лоны медводдзаōн тīян пытшкысь, медым кесийōгөн лоō тīянлы.

28 Дзик сідзи, кыдзи Мортлөн Пи, Коді локтіс эз сы вылө, медым отсасисны Сылы, но медым отсавны и сетны олөмсө Ассыыс унаөс мездөм вылө. Ин. 11,51.

29 И кор найө вөлі петöны Ерихонысь. Сы бөрся вөтчисны уна йөз.

30 И со, кыкөн синтөмъяс, пукалісны туй дорас, кор кылісны, мый на дінты мунө Исус пондісны горзыны: Господьöй! ло бур сьөлөма миян вылын, Давидлөн Пи!

31 А йөзыс тшөктісны ланьтны налы; но найө нөшта ёнджка на пондісны горзыны кевмысьөмөн: Господьöй! ло бур сьөлөма миян вылын, Давидлөн Пи!

32 Исус сувтіс, корис найөс и шуис: мый ті көсьянный Месянь?

33 Найө шуöны Сылы: Господьöй, медым воссисны синъяс миян.

34 Исус, Аслас бур сьөлөмсянь, инмөдчыліс синъясаныс налы; и синъясныс дзик пыр пондісны аддзины налөн, и найө вөтчисны Сы бөрся.

## 21 Юр

1 И кор матыстчисны Ерусалим дорө и воисны Елеон гөра дорса Виффагияө, сэки Исус мөдөдіс кык велөдчысьөс,

Мк. 11,1; Лк. 19,29; Ин. 12,12.

2 Налы висьталөмөн: мунöй сиктас, коді веськыда тіян водзын; и дзик пыр аддзанныд домалөм ослицаөс и ськөд том осёлөс; найөс разянный и вайөданныд Ме дінө.

3 А кодї мый шуас кӧ тїанлы, висьталӧй, мый найӧ колӧны Господьлы; и сїйӧ дзик пыр мӧдӧдас найӧс.

4 И ставыс тайӧ вӧлі, медым иніс пророк пыр висьталӧмыс, кодї шуӧ:



5 Висьталӧй Сионса нывлы: со, тэнад рам Цар локтӧ тэ дінӧ ослица вылын пукалӧмӧн, и сийӧс увса том осёл вылын.

6 Велӧдчысьяс мунісны и вӧчисны сідзи, кыдзи Иус тшӧктіс налы.

7 И вайӧдісны ослицаӧс и том осёлӧс, и на вылӧ пукталісны асьыныс кышанъяс, и Сїйӧ пуксис на вылӧ.

8 А йӧз пытшсьыс зэв унаӧн вольсавлісны паськӧмнысӧ асьыныс туй кузяыс, а мукӧдъяс вундалісны розъяссӧ пуяс вылысь и вольсавлісны туй кузяыс.

9 Йӧзыс, водзвылас мунысьяс и бӧрсянныс вӧтчысьяс горзісны: Осанна!\* Давид Пилы. Бурсиӧма Ен ним кузя Локтысьӧс! Отсӧг вылысянь!

10 Кор Исус пырис Ерусалимө, став карыс шызис и юасисны: Коді Тайө?

11 А йөзыс сёрнитисны: Тайө эм Исус, Галилеяса Назаретысь Пророк.

12 Исус пырис Енлөн вичкоо и вөтлаліс ставнысö вичкосыыс вузасысьясöс и ньөбасысьясöс и пөрөдіс пызанъяс вежласысьяслысь, и гулюөн вузасысьяслысь лабичъяс.

13 И висьталіс налы: гижөма: Менам керка шусяс кевмысян керкаөн, а ті вөчинныд сійөс рөзбойникъяслы дзебсянінөн.

14 Сэки вичкоас Сы дінө матыстчисны синтөмьяс и коктөмьяс, и Сійө бурдөдаліс найөс.

15 Кор аддзисны аркирейяс и гөжөдтөдысьяс Сылысь бур вөчөмсö, и челядьөс вичкосыыс, кодъяс ошкөмөн шуалісны: Осанна, Давид Пилы! — ёна дөзмисны.

16 И шуисны Сылы: Тэ кылан, мый шуалёны найө? А Исус шуис налы: Да. Ті өмөй некор энö лыддьывлөй: кагаяс вомсянь и морөс бердса кагаяс вомөн Тэ вөчин ошкөмсö?

17 И найөс энөвтис и петіс карсыыс ортсö Виффанияөдз, и сэні колльөдіс войсö.

18 Асывводзнас, карас бөр локтігөн, сюмаліс кынөмыс;

19 И туй дорсыыс өтка смоква пу аддзөм бөрын, матыстчис сы дінө, и кыдзи нинөм эз аддзы сы вылысь, өти корьясыыс кындзи, шуис сылы: водзö некор мед оз ло вотөсыыс тэсянь. И смоква пуыс дзык пыр косьмис.

20 Тайө аддзөм бөрын, велөдчысьясыыс шензьөмөн, шуалісны: кыдзи тайө смоква пуыс дзык пыр косьмис?

21 А Исус воча кылөн шуис налы: веськыда висьтала тiянлы: веритöмыс кö лоас тiян и онö шöйöвошöй, вöчанныд онö сöмын тайö, мый лои смоква пукöд, но шуанныд кö тайö гöраыслы: кыпöдчы и шыбытчы мореас, — лöб.

22 И ставсö, мый сöмын коранныд кевмысиганыд веритöмөн, сiйö босьтанныд.

23 И кор Сiйö локтiс вичкöб и велöдiс, Сы дiнö локтiсны аркирейяс и йöзлөн ыджыдалысьяс и шуисны: кутшöм вынөн Тэ вöчан тайö? И кодi сетiс татшöм вынсö Тэныд?

24 Исус воча кылөн шуис налы: и Ме юала тiянлысь öтитор йылысь, Меным кö висьталанныд сы йылысь, сэки Ме висьтала тiянлы кутшöм вынөн вöча тайö.

25 Иоанлөн пыртöмыс кысянь вöли: Енэжсянь или мортъясянь? А найö ас костаныс сёрнитiсны: шуам кö: Енэжсянь, сэки Сiйö шуас миянлы: а мыйла тi энö веритöй сылы?

26 А шуны кö мортъясянь, — полам йöзсьяс, сы вöсна мый быдөн лыддöны Иоанöс пророкөн.

27 И шуисны воча кылөн Исуслы: огö тöдöй. И Сiйö шуис налы: и Ме ог висьтав тiянлы, кутшöм вынөн вöча тайö.

28 А кызди тi мöвпаланныд? öти мортлөн вöли кык пи; и сiйö, öти дiнас матыстчöмөн, шуис: пiйöй менам, мун, уджав талун менам виноград йöрын. Лк. 15,11.

29 И сiйö шуис: муна батьöй; и эз мун.

30 И сiйö матыстчис мöдыс дiнö и шуис сiдзи жö. Но сiйö воча кылөн шуис: ог кöсйы; а бöрыннас, мöвпьяссö вежис и мунiс.

31 Кодыс нө кык пытшысыс вөчис тшөктөмсө батыслысы? Шуоны Сылы: бөръяис. Исус шуо налы: веськыда висьтала тиянлы, мый мытаръяс и гозьякостторкысыс мунөни тияныс водзын Енэжвыв Царствоө.

32 Сы вөсна мый локтис Иоан тиян динө веськыд туйөд, и ти энө веритөй сылы, а мытаръяс и гозьякостторкысыс веритисны сылы; а ти, тайө аддзылөм бөрын, энө вежөй мывкыднытө, медым веритны сылы.

33 Кывзөй мөдпөлөс нөдкыв: вөли кодкө керкаса көзаян, коді садитис виноград; сийөс кытшовтөдіс потшөсөн, кодйис сэтчө виноград выйөдан гу, сувтөдіс лэбув, и сетис сийөс виноград йөрын уджалысыяслы и муніс.

34 А кор матыстчис вотөсылөн кад, сийө мөдөдіс отсасысыясөс ассыс виноград йөрын уджалысыяс динө, босьтны вотөсыяс ассыс;

35 Но виноград йөрын уджалысыяс, кутисны отсасысыяссө сылыс и кодөс нөйтисны и кодөс виисны, а мукөдъяссө кучкалісны изьясөн.

36 Сийө бара мөдөдіс мукөд отсасысыясөс, воддза дорсыс унджыкөс; и накөд вөчисны сідзи жө.

37 Медбөрти сийө мөдөдіс писө ассыс на динө, шуалігтырйи: яндыясны менам пысыс.

38 Но виноград йөрын уджалысыяс, писө аддзөм бөрын, шуисны өта-мөдныслы: тайө овмөс босьтыс; мунам, виам сийөс и босьтам овмөссө сылыс.

39 И сийөс босьтисны и петкөдісны виноград йөрсыс ортсө и виисны.

40 Мыйнө, кор локтас виноград йөрса кӱзйиныс, мый вӱчас сийӱ татшӱм уджалысьяскӱд?

41 Шуӱны сылы: найӱс лӱкъяссӱ сетас лӱкног виӱм вылӱ, а виноград йӱрсӱ сетас мукӱдъяслы, кодъяс пондасны сетны виноград вотӱссӱ сылы аслас кадӱ.

42 Исус шуӱ налы: тӱ ӱмӱй некор энӱ лыддывлӱй Гижӱдсьыс: Из, кодӱс шыбытӱсны подув тӱчысьяс, дзик сийӱ изйыс лои водзыса пельӱсылӱн подулыс: тайӱ — Господьсян и шензянтор миян синъяс водзын.

43 Та вӱсна висътала тӱянлы: Енӱжвыв Царствосӱ лоӱ мырддӱӱма тӱянлысь и лоӱ сетӱма йӱзлы, кодъяс вотӱссӱ вайӱны сылысь;

44 И сийӱ, кодӱ усьӱ тайӱ из вылӱ, жугласяс; а код вылӱ усьӱ изйыс, сийӱс лямӱдас.

45 Кор кылӱсны аркирейяс и гижӱдтӱдысьяс нӱдкывъяссӱ Сылысь гӱгӱрвоисны, мый Сийӱ висъталӱс на йылысь.

46 И кӱсйисны босътны Сийӱс, но полӱсны йӱзсьыс, сы вӱсна мый Сийӱс лыддисны Прокӱн.

## 22 Юр

1 Исус водзӱ сӱрнитӱс накӱд нӱдкывъяс висътавлӱмӱн, и шуис: Лк. 14,16.

2 Енӱжвыв Царство цар морт кодъ жӱ, кодӱ лӱсьӱдӱс гӱтрасяна пир аслас пыислы.

3 И мӱдӱдӱс отсасъясъяссӱ асьыс корны гӱтрасяна пир вылӱ корӱм гӱсътъясӱс; и найӱ эз кӱсйыны локны.

- 4 Бара мөдөдiс мукөд отсасысьясөс, шуалигтырйи: висьталөн корөм гөсьтьяслы: со, мелөсьоді сөян-юан ассьым, менам куканьяс и мый тшөгөдөма, начкөма, и ставыс дась; локтөй гөтрасяна пир вылө.
- 5 Но найө, кывъяссө сылысь нинөмө пуктөмөн, мунісны, коді аслас му вылө, коді аслас вузасянінө,
- 6 А мукөдiс, кутісны отсасысьяссө сылысь, дөзмөдiсны и виисны найөс.
- 7 Та йылысь кылөм бөрын, цар скөрмис и ыстiс войскаяс ассьыс и бырөдiс морт виалысьясөс и сотiс карсө налысь.
- 8 Сэки сійө шуө аслас отсасысьяслы: гөтрасяна пир дасьтөма, а кодъясөс вөлі корөма, найө эз вөвны шогманаөсь;
- 9 Та вөсна, мунөй туй вожъясөд и быдөнөс, кодъясөс аддзанныд, корөй гөтрасяна пир вылө.
- 10 И найө отсасысьяс, туйяс вылө петөмөн, чукөртiсны быдөнөс, кодөс сөмын аддзисны, и лөкъясөс и буръясөс; и гөтрасяна пир тыри пукалысьясөн.
- 11 Цар пырис видзөдлыны пукалысьясөс и аддзис сэтысь мортөс, коді пасьтасьөма абу гөтрасяна пир вывса паськөмөн,
- 12 И шуө сылы: ёртөй! кызди тэ пырин татчө гөтрасяна пирывса паськөмтөгыс? А сійө чөв оліс.
- 13 Сэки цар шуис отсасысьясыслы: босьтөй сійөс, и кокъяссө и кияссө көртавлөмөн, шыбытөй ортыса пемыдас: сэні лөб бөрдөм и пиньяссө йирөм.
- 14 Тадзи унаөс корөма, но этшаөс бөрийөма.

15 Сэки фарисейяс мунісны и сёрнитчисны, кызди эськө кыйны Сійӧс кывъясас.

16 И мӧдӧдісны велӧдчысьяснысӧ ассьыныс Ирод дор сулалысьяскӧд, юавны Сылысь: Велӧдысь! ми тӧдам, мый Тэ веськыда и дзик збыльысь Ен туйӧ велӧдан и он тӧждысь кодлы кӧ шогманаӧн лоӧм вӧсна, сы вӧсна мый он видзӧд некутшӧм морт чужӧм вылӧ;

17 Та вӧсна, висътав миянлы: кызди Тэ мӧвпалан? Кесарлы налог мынтыны позьӧ или оз?

18 Но Исус, налысь наянлунсӧ аддзӧмӧн, шуис: мый ылӧданныд Менӧ, ылӧгбанъясӧй?

19 Петкӧдлӧй сьӧмсӧ Меным, кодӧн мынтысьсӧ налогыс. Найӧ вайисны Сылы динарий.



20 И шуӧ налы: кодлӧн тайӧ чужӧмыс и гижӧдыс?

21 Шуӧны Сылы: Кесарлӧн. Сійӧ шуӧ налы: кесарлысь сетӧй кесарлы, а Енлысь — Енлы.

22 Тайӧ кылӧм бӧрын найӧ шензисны и мунісны Сы дінысь.

23 Сійӧ лунӧ матыстчисны Сы дінӧ саддукейяс, кодъяс шуӧны, мый ловзьӧмыс абу, и юалисны Сылысь: Мк. 12,18; Лк. 20,27.

24 Велӧдысь! Моисей шуис: кодӧ кулӧ челядьтӧг, сэки вокыс сылӧн, мед босьтас аслыс гӧтырсӧ сылысь и лӧсьӧдас аслас вокыслы челядь.

- 25 Миян вöліны сизим вок: медводдзаыс гөтрасьом бöрас кулі, и гөтырсö асьыс колис челядьтөг аслас вокыслы;
- 26 Сы моз мöдыс и коймöдыс, и весиг сизимöдöдзыс.
- 27 А ставныс бөрти кулі и гөтырныс.
- 28 Та вöсна, ловзьом бöраныс, кодлөн сійö лоö гөтырөн сизим пытшсьыс? Сы вöсна мый öд сійö ставныслөн вöлі гөтырөн.
- 29 Исус воча кылөн шуис налы: ті ёна ыла-лёмныд, Енлысь вынсö и гижöдсö тöдтöмла.
- 30 Öд ловзьом бöрын оз гөтрасьын и верös сайö оз мунны, но лооны кыдзи Енлөн Ангелъяс Енэжъяс вылын.
- 31 А куломъяс ловзьом йылысь ті öмöй энö лыддьывлöй Енлысь тiянлы висьталöмсö:
- 32 Ме Ен Авраамлөн, и Ен Исааклөн, и Ен Яковлөн? Ен абу куломъяслөн Ен, но ловья-яслөн.
- 33 Кор кылісны йöзыс тайö, шензисны Сылөн велöдöм вылö.
- 34 А фарисейяс, тайö кылөм бöрын, мый Сійö вайöдис саддукейясöс ланьтöмöдз, чукöртчисны öтвыв.
- 35 И на пытшкысь öти, Индöдъяс тöдысь, Сійöс дöзмöдöм могысь юалис:
- 36 Велöдысь! медся ыджыд Тшöктöмыс кутшöм Индöдъяс пöвстысь?
- 37 Исус висьталіс сылы: любит Господьös, асьыд Ентö, аслад став сьöлөмнад, аслад став олөмнад и аслад став мывкыднад:
- 38 Тайö эм медводдза и медся ыджыд Тшöктöм.

39 Мөд сылы кодъ жö: любит ассыд матысатö, кыдзи ачыд асьтö;

40 Тайö кык Тшöктöмыс вылö сувтöдöма став Индöдъяссö и пророкъяссö.

41 Кор сэтчö чукöртчисны фарисейяс, Исус юалис налысь:

42 Мый тi мөвпаланнуд Христос йылысь? Кодлөн Сийö Пи? Шуöны Сылы: Давидлөн.  
Мк. 12,34; Лк. 20,40.

43 Сийö шуö налы: а кыдзи нö Давид Ловсянь сёрнитигас шуö Сийöс Господьөн, кор висьталö:

44 Шуис Господь менам Господьлы: пуксы Менам веськыдладорö, кытчöдз ог пукты Тэнад кокъяс улö Тэныд лёк вöчысьясöс.

45 Со, тадзи Давид шуö Сийöс Господьөн, кыдзи нö Сийö сылы Пи?

46 И некод эз вермы шуны Сылы весиг öти кыв; и сийö лунсянь некод нин эз лысьт юасыны Сылысь.

## 23 Юр

1 Сэки Исус пондiс висьтавлiны йöзыслы и Аслас велöдчысьяслы, Лк. 11,39.

2 Шуалöмөн: Моисейлөн пукаланiнö пуксисны гижöдтöдысьяс и фарисейяс;

3 Сидзи ставсö, мый найö тшöктöны вöчны тiянлы, кывзöй и вöчöй, а налөн уджъяс серти энö вöчöй, сы вöсна мый найö висьталöны и оз вöчны.

4 Кöртавлöны сьöкыд и нуны вермытöм нöбъяс, и пуктöны йöзлы пельпомъяс вылö, но асьныс оз кöсийны и чуньяныс вөрзьöдны сийöс.

5 И став уджъяссö вöчöны ассъыныс сы могъсь, медым йöзыс аддзылісны найöс; паськөдöны асланыс кевмысьöмлысь пасъяс, и ыдждөдöны асланыс паськөм пöлаяслысь тугъяс;

6 Сідзи жö найö вылö пуксьöны пиръяс вылын и вичкоясын медводдза пуксянінö,

7 И йöзъяс чукөртчаніным, медым чолöмалисны найöс йöзыс и шуисны: велöдысьөн.

8 А ті энö шусьöй велöдысьөн, сы вöсна мый Велöдысьыс тіян öти — Христос, а ті ставныд вокъяс.

9 И батьөн энö шуöй некодöс му вылын, сы вöсна мый Батыс тіян öти, Коді Енэжъяс вылын.

10 И энö шусьöй нуöдысьөн, сы вöсна мый Нуöдысьыс тіян öти — Христос.

11 Тіян пытшкысь ыджыдыс, мед лоö тіянлы отсасьысьөн.

12 Öд, коді кыпөдö асьсö, сійöс лоö лэдзöма, а коді улö пунктö асьсö, сійöс лоö кыпөдöма.

13 Курдас тіянлы гижөдтöдысьяс и фарисейяс, ылöгбанъясöй, сыысь, мый пöдлаланныд Енэжвыв Царствосö йöз водзын; асьныд онö пырöй и пырны көсийысьясöс онö лэдзöй.

14 (Курдас тіянлы гижөдтöдысьяс и фарисейяс, ылöгбанъясöй, мый ті сёяанныд овмөссö дөваяслысь, и ылөдөм могысь дыр кевмысянныд: та вöсна ёнджыка лоö мыждöма тіянöс.)

15 Курдас тіянлы гижөдтöдысьяс и фарисейяс, ылöгбанъясöй, мый кытшовтанныд мусö и васö, медым бергөдны көть öтикöс, и кор сійö лоö, вöчанныд сійöс адыслы пиөн, кык пөв лөкджыкөн ас дорсьыныд.

16 Курдас тіянлы синтөм нуодысьяс! кодъяс шуанныд: коді ёрсьö вичкоөн, сійö нинөм, а коді ёрсьö вичкоса зарнинас, сійö мыжмө,

17 Мывкыдтөмъяс и синтөмъяс, мый нө ыджыд: зарныс или вичкоыс, зарнисö сөстөммөдысьяс?

18 Сідзи жö: коді ёрсьö жертвапуктанінөн, сійö нинөм, а коді ёрсьö вайөм жертванас, коді сы вылын, сійö мыжмө.

19 Мывкыдтөмъяс и синтөмъяс, мый нө ыджыд: вайөмторйыс или жертвапуктаніныс, вайөмторсö сөстөммөдысьяс?

20 Та вöсна, жертвапуктанінөн ёрсьысь, ёрсьö сыөн и ставнас, мый сы вылын;

21 И вичкоөн ёрсьысь, ёрсьö сыөн и сәні олысьнас;

22 И Енәжөн ёрсьысь, ёрсьö Енлөн пызан-вывнас и сы вылын Пукалысьнас.


23 Курдас тіянлы гижөдтөтысьяс и фарисейяс, ылөгбанъясöй, мый сетанныд дасөд юкөнсö мяталысь, анислысь и тминалысь, а эновтінныд коланаджыксö Индөдсьяс: веськыда вөчөм, мелі сьөлөм и веритөм; тайö колö вөчны и сійö оз позь эновтны.

24 Синтөм нуодысьяс, номйöс сөздөдысьяс, а верблюдöс ньыллалысьяс!

25 Курдас тіянлы гижөдтөдысьяс и фарисейяс, ылөгбанъясöй, мый ортсысö мыскаланныд дозмуклысь и тасьтылысь, а пытшкөсыс налөн тырөма горшасьөмөн и ылөдчөмөн.

26 Синтөм фарисей! водзджык мысқы пытшкөссö дозмукыслысь и тасьтылысь, мед сөстөм лоас и ортсыыс налөн.

27 Курдас тіянлы гижөдтөдысьяс и фарисейяс, ылөгбанъясөй, мый ті еджыдөн мавтөм гортъяс кодьөсь, кодъяс ортсыяньыс тыдалоны мичаөсь, а пытшкөсныс тырөма кулөмъяслөн лыясөн и быд пөлөс пажторъясөн.



28 Сідзи ті, ортсыяньыс видзөдны бурногольшь йөз кодьөсь, а пытшкөсныд тырөма ылөдчөмөн и тшөктытөмторъяс вөчөмөн.

29 Курдас тіянлы гижөдтөдысьяс и фарисейяс, ылөгбанъясөй, мый лөсьөдаланныд гуасьөм горт вывъяс пророкъяслысь и мичмөдаланныд гу вывъяссө бурноговлысьяслысь.

30 И шуанныд: ми кө олім эськө мян батьяслөн лунъясө, сэки эгө вөлө эськө өтвын накөд пророкъяслысь вир кисьтөмын;

31 Тадзи ті асьныд висьталанныд аслыныд паныд, мый ті налөн пьян, кодъяс виисны пророкъясөс;

32 Тыртөй жө лыдсө асланыд батьяслысь.

33 Ехиднасянь чужысь змейяс! Кыдзи ті пышъянныд мыждомысь биа тыö?

34 Та вöсна, видзöдöй, Ме мөдöда тiян дiнö пророкъясöс и вежöраясöс и гижöдтöдысьяс öс, и ті öтиясöс вианныд и тувъяланныд, а мөдъясöс кутанныд нöйтны асланыд вичкоясын и вöтлыны карысь карö;

35 Мед усьö тiян вылö став вирыс бурног-олысьяслөн, кодöс кисьтiнныд му вылö, бурног-олысь Авель вирсянь, и Варахинлөн пи, Захария вирöдз, кодöс ті виинныд вичко да жертвапуктанiн костын.

36 Велькыда висьтала тiянлы: ставыс тайö воас тайö чужысьяс вылö.

37 Ерусалим, Ерусалим, пророкъясöс виалысь и тэ дiнö мөдöдöмъясöс изъясөн нöйт-тысь. Кымын пöрйö Ме кöсйы чукöртны челядтьö тэнсьыд, кыдзи лэбач чукöртö пиянсö аслас борд улö, и ті энö кöсйö. Лк. 13,34.

38 Со, тiян вичко кольö тыртöг тiянлы.

39 Та вöсна висьтала тiянлы: онö аддзöй Менö öнiсянь, кытчöдз онö шуöй: Бурсиöма Ен ним кузя Локтысь.

## 24 Юр

1 И вичкосыс петöм бöрын, Исус мөдöдчис мунны. А велöдчысьясыс Сылөн матыстчисны, медым петкöдлыны Сылы, кыдзи вöчöма вичкосö. Мк. 13,1; Лк. 21,5.

2 А Исус шуис налы: ті аддзанныд-ö ставсö тайö? Велькыда висьтала тiянлы: танi оз коль из вылын из, ставсö лöб жугöдöма.

3 А кор Исус пукалiс Елеон гöра вылын, сэки велöдчысьясыс матыстчисны Сы дiнö ас ке-

жаныс и юалісны: висьтав миянлы, кор сійö лоö? И мый серти тöдны Тэнсьыд локтöмтö и нэм помасьöмсö?

4 Исус воча кылөн висьталіс налы: виччысьöй, медым кодкö эз ылöд тiянöс;

5 Сы вöсна мый унаöн локтасны Менам ним унаöс ылöдасны.

6 Сідзи жö кыланныд войнаяс йылысь и войнаяс кузя сёрнияс. Кывзöй, энö полöй; сы вöсна мый сылы ставыслы колö лоны.

Но тайö абу на пом.

7 Сэки кыпöдчасны йöз ылö йöз и царство ылö царство и лоöны тшыгъялөмгьяс, висьöмгьяс и көнскюрö му вөрөмгьяс;

8 Тайö ставыс сьöкыд лоөм водзвылас.

9 Сэки пондасны сетны тiянöс нöйтөм ылö и пондасны виавны тiянöс, и тi лоанныд му-стөмөсь став йöзыслы Менам ним вöсна;

10 И сэки ылаласны унаöн, и öта-мөднысö пондасны вузавны, и öта-мөднысö мустөмтны.

11 И унаöн кыпöдчасны ылөгпророкгьяс и унаöс ылöдасны;

12 И лёкыс содөм вöсна уналөн көдзалö муслуныс.

13 Но кодi пыр кежö кутчысьö бурас пом-öдзыс, сійö мезмас.

14 И лоö висьталöма Царстволысь тайö Евангелльöсö став му пасьта, став йöзлы тöдөм ылö, и сэки воас пом.

15 Сэки, кор аддзанныд энөвтөминысь пежсö, сувтöма сөстөминö, мый йылысь висьталöма Даниил пророк пыр, лыддысь дерт гөгөрвоö.

- 16 Сэки Иудейын олысьяс, мед пышъясны гөраясö.
- 17 И кодi керка вылын, сийö мед оз лэтчы босьтны мыйкö аслас керкасьяс.
- 18 А кодi видз-му вылын, сийö мед оз бергöдчы бөрö босьтны паськөмсö асьяс;
- 19 Ыджыд шог лоö нобасьясьяслы и нёнöдчысьяслы сийö лунъясö.
- 20 Кевмысьöй, медым эз ло пышиöмныд тiян тöлын либö субöта лунö;
- 21 Сы вöсна мый сэки лоö сэтшöм ыджыд шог, кутшöм эз вöвлы муюгыдсö пуктöмсянь öнiöдз, и оз ло.
- 22 И эз кө чинтöма вöв эськö сийö лунъяссö, сэки эз мезмы эськö некутшöм морт; но бөр-йзмаяс кузя чинасны сийö лунъясыс.
- 23 Сэки, кодi шуас кө тiянлы: со, танi Христос или сэнi — энö веритöй;
- 24 Сы вöсна мый кыпöдчасны ылöгхристосьяс и ылöгпророкъяс и вöчасны ыджыд шензятюръяс и чудесаяс, медым ылöдны, позяс кө и бөрйöмаясö;
- 25 Со, Ме водзвыв висьталi тiянлы.
- 26 Та вöсна, шуасны кө тiянлы: со, Сийö овтöминын — энö петöй; со, Сийö керкаынэнö веритöй;
- 27 Öд, кызди чардби петö асыввывсянь и югдöдö рытиввылöдз, сiдзи лоö Морт Пилөн локтöмыс.
- 28 Көнi лоö шой, сэнi чукöртчасны кутшъяс.
- Лк. 17,37.
- 29 И дзик пыр, сийö шог лунъяс бөрын, шондiыс пемдас, и тöлысь оз сет югыдсö асьяс,

и кодзувъяс усьоны Енэжсянь, и енэжлөн  
вынъяс вөрзясны;

30 Сэки тыдовтчас Морт Пилөн индысь пас  
Енэжъяс вылын, и сэки бөррдзасны му вывса  
быд кыла йёз и аддзасны Мортлысь Писё,  
локтё Енэжвыв кымөръяс вылын ыджыд  
вынён и мичлунён;

31 И мөдодас Ангелъяссё Ассьыс гора шыа  
трубаён и чукөртасны Сылысь бөрйөмъясөс  
нельнанладор төвъясянь, Енэж помсянныс  
найё помөдз.

32 А тiянлы төдөм вылө, мед лоё смоква пу:  
кор сылөн йывъясыс лооны небыдөсь и потө-  
ны коръяс, сэки тi төданныд, мый матын нин  
гожөм;

33 Кор тадзи ставсё тайё тi аддзанныд, тө-  
дөй, мый матын нин, өдзөс дорын.

34 Веськыда висьтала тiянлы: оз бырны тайё  
чужысьяс, кызди ставыс тайё лоё;

35 Енэжыс и муыс бырасны, а Менам кывъяс  
оз бырны.

36 Но сийё луныс и кадыс йылысь некод оз  
төд, весиг Енэжвыв Ангелъяс, а сөмын өтнас  
Менам Бать.

37 И кызди вөлі Нойлөн лунъяс дырйи, сідзи  
жө лоё Мортлөн Пи локтігөн.

38 Кызди сэки пөдөм водзвывса лунъясө  
сёйисны, юисны, гөтрасисны и мунісны верөс  
сайё сийё лунөдз, кор Ной пырис ковчөгө.

39 И эз мөвпыштлыны, кытчөдз эз во пөд-  
төмыс и кытчөдз эз пөдны ставныс — сідзи  
лоё Мортлөн Пи локтігөн.

40 Сэки лооны кыкөн видз-му вылын: өтисө  
босьтяс, а мөдыс кольё; Лк. 17.35.

41 Кыкөн изки дорын изысыяс: өтисө босьт-  
сяс, а мөдыс кольё.

42 Та вөсна, төждысьой, сы вөсна мый онө  
төдөй кутшөм кадө локтас тiян Господь.

Мк. 13,33.

43 Но тайө тi төданныд, мый керкаса көзяин  
кө төдiс эськө, кутшөм кадө локтас гусясь-  
ысь, сiйө видчысис эськө и эз сет кодйыны  
керкасө ассьыс.

44 Та вөсна и тi лөй дасьось, сы вөсна мый  
кутшөм кадө онө мөвпалөй, локтас Мортлөн

45 А кодi веськыда вөчө и бур мывкыда от-  
сасьысь, кодөс көзяиныс сылөн сувтөдiс аслас  
челядьлы вылө, медым сетны сөян налы ас  
кадө.

46 Шуда сiйө отсасьысь, кодөс көзяиныс сы-  
лөн локтөм бөрас аддзас вөчө сiдзи;

47 Веськыда висьтала тiянлы: пуктас сiйөс  
аслас став овмөс вылө.

48 А сiйө кө отсасьысьыс лөк и шуас аслас  
сьөлөмас: оз на регыдөн во көзяин менам,

49 И пондас нөйтны ёртъяссө ассьыс и сөйны  
и юны кодалысьяскөд, —

50 Сэки локтас көзяиныс сiйө отсасьысьлөн,  
сiйө луно, кор оз виччысь, и сiйө кадө, кор оз  
мөвпав,

51 И керыштас сiйөс шөри и шыбытас сiйөс  
өтлаө ылөгбанъяскөд: сэни лөө бөрдөм и  
пиньяссө йирөм.

## 25 Юр

1 Сэки Енэжвыв Царство лөө дас нывлы  
кодь, кодъяс босьтiсны югыдбияс ассьыныс и  
петiсны жөниклы паньд; Лк. 12,35.

2 На пытшкысь витыс вöліны вежöртöмöсь,  
а витіс сюсь мывкыдаöсь.

3 Вежöртöмъяс, кор босьтісны биасян дозъяс  
ассыныс, эз босьтны выйсö аскöдныс;

4 А сюсь мывкыдаяс, асланыс югыдбияскöд  
тшöттш босьтісны выйсö асланыс дозъясö.

5 И кызди жöник дыр эз во, сэки ставнысö  
вугыртöдіс и унмовсисны.

6 Но войшөр кадö кыліс горöдöм шы: со,  
жöник локтö, петöй сылы паныд.

7 Сэки чеччисны найö нывъяс ставныс и  
лöсьöдісны югыд биаснысö ассыныс.

8 Вежöртöмъясыд шуисны мывкыдаяслы:  
вайö мянлы выйнытö ассыныд, со, мян  
биясным кусöны;

9 А сюсь мывкыдаяс воча кылөн шуисны:  
медым эз ло тырмытöмыс и мян и тіян,  
бурджык мунöй вузасъысъяс дінö и ньöбöй  
аслыныд.

10 И кор найö мунісны ньöбны. локтіс жöник,  
и кодъяс вöліны дасьöсь пырисны ськöд гөт-  
расяна пир вылö и öдзöссö йигналісны.

11 Бöрыннас локтöны и мукöд нывъясыд и  
шуöны: Господьöй! Господьöй! вöсьт мянлы.

12 А Сійö воча кылөн шуис налы: веськыда  
висьтала тіянлы: ог тöд тіянöс.

13 Та вöсна, тöждысьöй, сы вöсна мый онö  
тöдöй лунсö, ни чассö, кутшöм кадö локтас  
Мортлөн Пи.

14 Сідзи лöб, кызди морт ылі туйö мунігөн,  
корис отсасъысъяссö ассыс и сетіс налы ов-  
мössö ассыс:

15 Öтилы сійö сетіс вит талан, мöдлы кыкöс,  
коймöдлы öтикöс, быдöнлы налөн вынъяс  
серти; и муніс.

16 Вит талант босьтысь муніс и сетіс найӧс удж вӧчӧм вылӧ и чукӧртіс мӧд вит талант.

17 Дзик сідзи жӧ кык талант босьтысь, чукӧртіс мӧд кыкӧс.

18 А ӧти талан босьтысь, муніс и гуаліс муӧ и дзебис талантсӧ аслас кӧзьяиныслысь.

19 Дыр кад мысьти, локтӧ найӧ уджалысьяс-лӧн кӧзьяиныс и корӧ налысь чукӧртӧм лыдсӧ.

20 Матыстчис вит талант босьтысь и вайис мӧд вит талан и шуӧ: кӧзьяин, вит талант тэ сетін меным; со, мӧд вит талант ме чукӧрті на вылӧ.

21 Сылӧн кӧзьяин шуис сылы: бур, шань и веськыда вӧчысь кесйӧг! Ичӧтас тэ вӧлін веськыда вӧчысьӧн, уна вылӧ сувтӧда тӧнӧ; пыр аслад кӧзьяин гажлунӧ. Лк. 16,10.

22 Сідзи жӧ матыстчис кык талан босьтысь и шуис: кӧзьяин, кык талан тэ сетін меным; со, мӧд кык талан ме чукӧрті на вылӧ.

23 Сылӧн кӧзьяин шуис сылы: бур, шань и веськыда вӧчысь кесйӧг! Ичӧтас тэ вӧлін веськыда вӧчысьӧн, уна вылӧ сувтӧда тӧнӧ; пыр аслад кӧзьяин гажлунӧ.

24 Матыстчис и ӧти талан босьтысь и шуис: кӧзьяин, ме тӧдлі тӧнӧ, мый тэ чорыд морт, вундан, кӧні эн кӧдзлыв, и чукӧртан, кытчӧ эн кисьтавлы;

25 И ме полігтырйи муні и дзеби таланттӧ тэнсьыд муӧ; со, тэнад аслыд.

26 Сылӧн кӧзьяин, воча кылӧн шуис сылы: наян и дыш кесйӧг! тэ тӧдін, мый ме вунда кӧні эг кӧдзлыв, и чукӧрта, кытчӧ эг кисьтавлы;

27 Та вöсна колö вöлі тэныд сетны эзысьсö менсьым удж вöчöм вылö и ме локтöм бöрын, босьтi эськö содтöдөн асьсьым;

28 Та вöсна, босьтöй талансö сылысь и сетöй кодлөн эм дас талантыс;

29 Тадзи быдөнлы, кодлөн эм лоö сетöма и содö, а кодлөн абу, мырддьыссяс и сiйö, мый эм.

30 А шогмытöм кесiйöгсö шыбытöй ортыса пемыдас: сэни лоö бöрдöм и пиньяссö йирöм.

31 Кор локтас Мортлөн Пи Аслас мичлунөн и Сыкöд ставныс югыд Ангелъяс, сэки пуксяс Аслас мича престол вылö. Мт. 16,27; Мт. 19,28.

32 И Сы водзö чукöртчасны став йöзыс; и Сiйö торйöдас найöс öга-мöдсьыныс, кызди ыж видзыс торйöдö ыжъясöс кöзаясысь;

33 И ыжъясöс сувтöдас Аслас веськыдладорö, а кöзаясöс — шуйгаладорас.

34 Сэки Цар шуас налы, кодъяс Сылөн веськыдладорасöсь: локтö, Менам Батьсянь бурсö босьтысьяс, пырöй Царствоö, кодöс лöсьöдöма тiянлы муюгыдсö вöчöмсянь:

35 Сы вöсна, кор Ме тшыгъяли, тi сетинныд сёйны Меным; горш косьмис и тi юкталинныд Менö; вöлі ветлысь-мунысьөн, и тi лэдзинныд Менö гортаныд;

36 Вöлі пасьтöм и тi пасьтöдинныд Менö; вöлі вися и тi волинныд Ме дiнö; вöлі тюрмаын и тi локтинныд Ме дiнö.

37 Сэки бурноголысьяс воча кылөн шуасны Сылы: Господьöй, кор нö ми аддзылим Тэнö тшыгъялигөн и вердiм? или горш косьмигөн и юкталим?

38 Кор ми аддзылим Тэнö ветлысь-мунысьөн и сибöдiм? или пасьтöг и пасьтöдiм?

39 Кор ми аддзылім Тэнö висигөн или тюрмаысь и волім Тэ дінö?

40 И Цар воча кылөн шуас налы: веськыда висьтала тіянлы: кыдзи ті вöчинныд тайö öтилы, Менам ичöt вокъяс пытшкысь, сійö вöчинныд Меным.

41 Сэки шуис и налы, кодъяс шуйгаладора-сöсь: мунöй Ме дінысь ёрöмъяс! куслытöм биö, кодöс лöсьöдöма дяволлы и сылөн ангельяслы.

42 Сы вöсна, кор Ме тшыгъялі, ті энö сетöй сёйны Меным; горш косъмис и ті энö юкталöй Менö;

43 Вöлі ветлысь-мунысьөн и ті энö лэдзöй гортаныд Менö; вöлі пасьтöм и энö пасьтöдöй Менö; виси и тюрмаын вöлі, и энö видлöй Менö.

44 Сэки воча кылөн и найö шуисны Сылы: Господьöй, кор ми аддзылім Тэнö тшыгъялігөн или горш косъмигөн или ветлысь мунысьөн, или пасьтөг или висигөн или тюрмаысь и эгö отсалöй Тэныд?

45 Сэки воча кылөн шуис налы: веськыда висьтала тіянлы: кыдзи ті энö вöчöй сійö öтилы. тайö ичötъяс пытшкысь, сэки энö вöчöй и Меным.

46 И мунисны найö помасьлытöм мучитчöмö, а бурнологысьяс — помасьлытöм олöмö.

## 26 Юр

1 Кор Исус помаліс тайö став кывъяссö, сэки шуис Аслас велöдчысьяслы: Мк. 14,1; Лк. 22,1.

2 Ті тѳданнѳд, мый кык лун мысьти лоѳ  
Ыджыдлун, и Мортлысь Писѳ лоѳ сетѳма  
тувъялѳм вылѳ.

4 И ѳтвылысь сѳрнитчисны босьтны наяна и  
вины Исусѳс;

5 Но шуисны: сѳмын оѳѳ ыджыдлун дырйи,  
медым эз ло шызьѳмыс йѳз пытшкас.

6 Кор Исус вѳлі Вифанияын, проказаѳн  
висьлысь Симон керкаын.

7 Сы дѳнѳ матыстчис нывбаба, дѳна миро-  
тыра алавастрѳвѳй\* дозйѳн, и кисьталѳс Исус  
юр вылѳ пукалѳгас.

8 Кор тайѳ аддзисны Сылѳн велѳдчысьясыс,  
лѳгасьѳмѳн шуалисны: мыйла тадзи вошты-  
нысѳ?

9 Тайѳс эськѳ позьѳ вѳлі вузавны ыджыд дѳн  
вылѳ и сетны гѳльяслы.

10 Но Исус тѳдѳс тайѳ и шуис налы: мыйла  
шѳйѳвоштанныд аньсѳ? сйѳѳ бур удж вѳчис  
Менлы вылѳ;

11 Ѳд гѳльяс пыр лоасны тѳянкѳд, а Ме оѳ  
пыр ло тѳянкѳд;

12 Тайѳ миросѳ Ме вылѳ кисьталѳмнас, сйѳѳ  
лѳсьѳдѳс Менѳ гуалѳг кежѳ;

13 Веськыда висьтала тѳянлы: кѳнѳ сѳмын  
лоѳ висьталѳма тайѳ Евангелльѳсѳ, лоѳ вись-  
талѳма и сы йылысь став му пасьта, мый сйѳѳ  
вѳчис, сйѳѳс казьтылѳм вылѳ.

14 Сѳки дас кык пытшсьяс ѳти, Иуда Иска-  
риот нима, мунѳс аркирейяс дѳнѳ.

15 И шуис: тѳ мый сетанныд меным, ме вуза-  
ла Сйѳѳс тѳянлы? Найѳ сетѳсны сылы комын  
эзысь сьѳм.

16 И сійö кадсянь Йуда корсис лöсялана кад, медым сетны Сійöс.

17 Шомтöмнянь сёян медводдза лунö, велöдчысьясыс матыстчисны Исус динö и шуисны Сылы: кöни тшöктан миянлы лöсьöдны Пасха Тэнлы вылö?

18 Сійö шуис: мунöй карас сэтшöм-тö динö и висьталöй сылы: Велöдысь шуö: кадыс Менам матын, тэ ордын вöча Пасха Аслам велöдчысьяскöд.

19 Велöдчысьяс вöчисны, кызди Исус тшöктис налы и лöсьöдисны сёйны Пасха.

20 Кор воис рыт, Сійö пуксис дас кыкнан велöдчысьяскöд.

21 И кор найö вöли сёйöны, шуис: веськыда висьтала тiянлы: тiян пытшкысь öти вузалас Менö.

22 Найö ёна шогö усины и быдөн на пытшкысь пондисны юавны Сылысь: Господьöй, ог-ö ме?

23 А Сійö висьталис: Мекöд тасьтiö кисö лэдзысь, сiйö вузалас Менö;

24 Но дерт Мортлөн Пи мунö, кызди гижöма Сы йылысь; но курыд шог сiйö мортыслы, код пыр вузавсьö Мортлөн Пи: бурджык вöли эськö сiйö мортыслы эз кö чужлы.

25 И шыасис Иуда, Сiйöс вузальсь, и шуис: ог-ö ме, Велöдысь? Исус шуö сылы: тэ висьталiн.

26 И кор найö сёйисны, Исус босьтис нянь и бурсиöмөн чегис и велöдчысьясыслы сеталигөн шуис: босьтöй, сёйö: таысь — Менам яй.

27 И босьтис чаша и бурсиöм бöрын, сетис налы и шуис: юй сэтысь ставныд;

28 Со, таысь Менам вир, уна вöсна кисьтсьö мыжъяс вöчöмысь эновтчöм вылö, медым овны Выхь Кöсийсьöмлөн Тшöктöмъяс серти.

29 Тадзи висьтала тiянлы: öнисянь ог понды юны тайö виноград вотöсысь сийö лунöдз, кор понда юны тiяйкöд выльöс Менам Батьлөн Царствоын.

30 И сьылöм бöрын, мунисны Елеон гöра вылö.

31 Сэки Исус шуö налы: тi ставныд ылалан-ныд Ме йылысь тайö войнас, кьдзи гижöма: дойда Видзысьсö, и разöдчасны ыжъясыс чукöрсьыс.

32 Но Менам ловзьöм бöрын, виччыся тiянöс Галилейын.

33 Петыр шуис Сылы воча кылөн: ставныс кö ылаласны Тэ йылысь, ме некор ог ылав.

34 Исус шуö сылы: веськыда висьтала тэныд: тайö войнас, петук чукöстöмысь на водздзык, куимысь öткажитчан Мейсь.

35 Петыр шуö Сылы: кöть эськö меным ков-мас кувны Тэкöд, ог öткажитчы Тэысь. Тадзи жö шуалисны ставныс мукöд велöдчысьясыс.



36 Сы бөрти Исус локтö накöд Гефсимонөн шусяна места вылö и шуö велöдчысьясыслы: пукыштöй танi, а Ме ветла кевмысьны сэтчö сы костi.

37 И Аскöдыс босьтiс Петырöс и Зеведейлыс кыкнан писö и пондiс шогсьыны и гажтöмтчыны.

38 Сэки Исус шуö налы: Менсьым олöмöс топöдiс кулана шог; олыштöй танi Мекöд и энö унмовсьöй.

39 И этшаник ылыстчöм бöрын, уськöдчис Аслас чужöмыс вылö, и кевмысьöмөн, шуалис: Батьöй Менам! Позяс кö, медым мунас тайö чашаыс Ме бокöд; но медым оз, кызди Ме кöсья, а кызди Тэ.

40 И локтö велöчысьясыс дiнö и аддзö найöс узьöны, и шуö Петырлы: со, весиг öти час тi энö вермöй узьтöгыс Мекöд?

41 Садьмöдчöй и кевмысьöй, медым энö усьöй ылалöмас: лов вына вермыны, а вир-йй вынтöм.

42 И мöдысь ылыстчис и кевмысис, шуалöмөн: Батьöй Менам! Тайö чашаыс кö оз вермы мунны Меысь бокитi, медым сийöс эз ковюны Меным, мед лоö Тэнад кöсийöм серти.

43 И локтöм бöрас, аддзö найöс бара узьöны, сы вöсна мый синъясныс сьöктiсны налөн.

44 И колис найöс и бөр ылыстчис и кевмысис коймöдысь, сийö жö кывъяссö шуалöмөн.

45 Сэки локтö Аслас велöдчысьяс дiнö и шуö налы: тi пыр на узянный и шойтчаный? со, матыстчис кад и Мортлөн Пи сетсьö лёк йöзлөн киясö;

46 Четчөй, мунамөй: со, матыстчис Менө вузалысь.

47 И кор Сійө сёрнитис на, со, локтө Йуда, дас кык пытшсыс өти, и ськөд уна йөз шиясөн и зорьясөн, аркирейясынь и йөзлөн ыджыдалысыясынь.

48 А Исусөс вузалысь сетис налы төдөм вылө пас, шуөмөн: кодөс ме окышта, Сійө и эм, босьтөй Сійөс.

49 И дзик пыр матыстчис Исус динө и шуис: Велөдысь, видза олан! И окыштіс Сійөс.

50 А Исус шуис сылы: ёртөй, мыйла тэ локтін? Сэки матыстчисны и пуктісны кияснысө Исус вылө и босьтісны Сійөс.

51 И со, Исускөд вөлысыяс пытшкысь өти, кисө нюжөдөмөн, кыкис асыыс шипуртсө и керыштіс аркирейлысь кесйөгсө и ори пельыс сылөн.

52 Сэки Исус шуө сылы: пукты шипурттө асыыд аслас пуртөсө, сы вөсна мый быдөн, ши босьтысыяс, ши помысь куласны.

53 Гашкө ті мөвпалынныд, мый Ме ог вермы өні корны Аслам Батьлысь, и Сійө дзик пыр сетас Меным дас кык легион\* дорысь унджык Ангельясөс?

54 Кыдзи нө инасны Гижөдьясыс? Со, тадзи колө лоны.

55 Сэки Исус шуө йөзыслы: ті петөмныд кыдзи рөзбойник вылө моз шиясөн и зорьясөн босьтны Менө; Ме быд лун пукалі тіянкөд вичкоын велөдігөн, и ті энө босьтөй Менө.

56 Тайө ставыс тадзи лои, медым инісны пророкьяслөн Гижөдьяс. Сэки велөдчысыяс ставныс эновтісны Сійөс и пышійсны.

57 А Исусос босьтысьяс нуодисны Сійос Каи-афа аркирей дінө, кытчö чукöртчисны ги-жöдтöдысьяс и йöзлөн ыджыдалысьяс.

58 А Петыр вöтчис Исус бöрся ылысянь, аркирей йöр дорöдз; и пытшкöдзыс пырмысьт, пуксис налөн отсасьысьяскöд, медым аддзыны помсö.

59 Аркирейяс и йöзлөн ыджыдалысьяс и ставнас синедрионыс\* корсисны ылöдана вись-талöмъяс Исуслы паньд, медым сетны Сійос виöм вылö.

60 Но эз сюрны, кöть эськö унаöн волісны ылöдöмсö висьтавны. Медбöрти локтисны кыкөн ылөг висьталысьяс.

61 И шуисны: Сійö висьтавліс: Ме верма жу-гöдны Енлысь вичкосö и куим лунөн сувтöдны сійос.

62 Сэки аркирей, сувтöмөн, шуис Сылы: мый нö нинöм он шу? Со, найö висьталöны Тэнлы паньд.

63 Но Исус эз шыась. И аркирей шуис Сылы: Ловъя Енмөн кора Тэнö, висьтав миянлы: Тэ öмöй Христос, Енлөн Пи?

64 Исус шуис сылы: тэ висьталін. Но Ме висьтала тiянлы: öнiсянь аддзанныд Мортлысь Писö, Вына Ен веськыдладорын Пукалысьöс и Енэжвыв кымөръяс вылын Локтысьöс.

65 Сэки аркирей косяліс паськөмсö асьыс и шуис: Сійö Енмөс öмөльтö! Мый вылö нöшта висьтавлысьяссö миянлы? Со, тi кывлінныд öнi Сылысь Енмөс öмөльтöмсö!

66 Мый тi шуанныд? А найö воча кылөн шуисны: мыжа виöм вылö.

67 Сэки сьолалісны и кучкалісны чужомас  
Сылы и нетшкисны пельодіс Сійос, а мукодіс  
бедьясөн кучкалісны Сылы,

68 И шуалісны: висьтав миянлы, Христос,  
коді кучкис Тэныд?


69 А Петыр пукаліс ортсы йорас. И сы дінө  
матыстчис налөн отсасысьяс пөвстысь өти  
ань и шуис: и тэ вөлін Галилейса Исускөд.

70 Но Петыр өткажитчис ставныс водзын,  
шуалөмөн: ог төд, мый тэ висьталан.

71 А кор Петыр вөлі петө завор саяс, аддзис  
сійос мөд отсасысь ань, и шуө сэні вөлысь-  
яслы: и тайө вөлі Назорейса Исускөд.

72 А Петыр бара өткажитчис ёрсян кывъ-  
ясөн, мый оз төд Тайө Мортсө.

73 Регыд мысьти матыстчисны сэні сула-  
лысьяс и шуисны Петырлы: збыльсь и тэ на  
пытшкысь, со, сёрниыд тэнад петкөдлө тэнө.



74 И сэки Петыр пондіс енмасыны и ёрсян  
кывъясөн шуавны: ог төд Тайө Мортсө. И  
дзик пыр чукөстіс петук.

75 И Петырлы тӧд вылас уси сійӧ кывйыс, кодӧс Исус шуис сылы: петук чукӧстӧмысь водзджык куимысь ӧткажитчан Мейсь. И ортсӧ петӧм бӧрын, курыда бӧрддзис.



## 27 Юр

1 Кор воис асыводз, ставныс аркирейяс и йӧзлӧн ыджыдалысьяс, чукӧртчӧмӧн, сӧрнитчисны Исус йылысь, медым Сійӧс сетны виӧм вылӧ.

2 И Сійӧс кӧртавлӧмӧн, нуӧдисны и сетисны Понтий Пилатлы, юралысьныислы.

Мк. 15,1; Лк. 23,1; Ин. 18,28.

3 Сэки Йуда, Исусӧс вузальсь, кор аддзис, мый Сійӧс мыждисны вины, каитчӧмӧн, бӧр вайис комын эзысь сьӧмсӧ аркирейяслы и йӧзлӧн ыджыдалысьяслы,

4 И шуис: ме мыжми, вузалі мыжтөм Вир. А найө шуисны сылы: мый миянлы сьөдз? ачылд төдан.

5 И эзысьяссө вичкоас шыбытөм бөрын, сийө петіс, муніс и джагөдчис.

6 Аркирейяс, эзысьяссө босьтөм бөрын, шуисны: найөс оз позь пуктыны вичкоса казнаө, сы вөсна мый тайө Вирлөн доньс.

7 И чукөртчылөмөн, сёрнитчөм бөрын, ньөбисны на вылө гырнич вөчалысьлысь му, ветлысьмунысьясөс гуалөм вылө;

8 Сы вөсна и шусьө сийө муыс өнія лунөдз: Вирлөн му.

9 Сэки иніс Еремия пророк пыр висьталөмыс, коді шуө: и босьтісны комын эзысьсө, донъялөм донсө, Кодөс донъялісны Израильлөн пиян,

10 И сетісны найөс гырнич вөчалысьлөн му вылө, таdzi висьталіс меным Господь.

11 А Исусөс сувтөдісны юралысьныс водзө, и Сылысь юаліс Пилат: Тэ Иудейса Цар? Исус шуис сылы: тэ висьталан.

12 И кор Сийөс мыжалісны аркирейяс и йөзлөн ыджыдалысьяс, Исус эз шу нинөм паньд.

13 Сэки Пилат шуө Сылы: он кыв, кымынөн висьталөны Тэнлы паньд?

14 И сылы эз шу весиг өти кыв, сідз мый юралысь ёна шензис.

15 А юралысьныс вөлі вөччывлө, йөзыслы буралөм могысь, Ыджыдлун кежө лэдзлө өтикөс тюрмаысь, кодөс найө көсийсны.

16 Сэки вөлі тюрмаын, налөн төдса, Варавва нима; Мк. 15,6; Лк. 23,17; Ин. 18,39; Ин. 19,1.

17 И сы вöсна, кор найö чукöртчисны, Пилат шуис налы: кодöс кöсьянный, медым ме лэдзи тiянлы: Варавваöс или Исусöс, Кодöс шуöны Христосөн?

18 Пилат тöдiс, мый Исусöс мустöмтiсны, сы вöсна и сетiсны.

19 Сэки, кор Пилат пукалiс судитчанiнас, гöтырыс сылөн мöдöдiс висьтавны сылы: нинöм эн вöч Тайö бурноголысьыслы, сы вöсна мый та вой ме вöтөн ёна страдайтi Сы вöсна.

20 Сы костi аркирейяс и йöзлөн ыджыдалысьяс ызьöдiсны йöзсö корны Варавваöс, а Исусöс вины.

21 Сэки Пилат юалiс налысь: кодöс кык пытшсьыс кöсьянный, медым ме лэдзи тiянлы? Найö шуисны Варавваöс.

22 Пилат шуö налы: а мый нö ме вöча Исуслы, Кодöс шуöны Христосөн? ставныс горöдiсны: мед лоö тувъялöма!

23 Пилат шуис: а кутшöм лёк вöчис Сiйö? Но найö ёнджыка на горзiсны: мед лоö тувъялöма!

24 Пилат аддзö, мый нинöм оз отсав, но шызьöмыс содö, босьтiс ва и кияссö мыськис йöз водзас и шуис: ме абу мыжа Тайö Буроласногаыслөн Вирас; видзöдöй асьныд.

25 И став йöзыс воча кылөн горöдiсны: Сылөн вирыс мян вылын и мян челядь вылын.

26 Сэки Пилат лэдзис Варавваöс налы, Исусöс нöйтöм бöрын, сетiс тувъялöм вылö.

27 Сэки юралысьлөн воинъяс вайöдiсны Исусöс преторияö,\* и чукöртiсны Сыгөгөр дзонь полк.

28 И Сійос пөрччөдiсны и Сы вылө пасьтө-  
дiсны чимгөрд паськөм;

29 И лежнөгысь кыём венеч пуктiсны юр  
вылас Сылы и сетiсны бедь веськыд кias  
Сылы, и Сы водзө пидзөсьясныс вылө сувтө-  
мөн сералiсны Сы вылын, шуалөмөн: мед олас  
Иудейса Цар!

30 И сьөлалiсны Сы вылө и бедьсө босьтө-  
мөн, кучкалiсны юрас Сылы.

31 И кор серавсис Сы вылын, пөрччөдiсны  
Сы вылысь чимгөрд паськөмсө и пасьтөдiсны  
Сійос Аслас паськөмөн и нуөдiсны Сійос  
тувъялөм вылө.

32 Петiганыс найө паныдасисны, Симон нима,  
Киринейса өти морткөд, сийөс тшөктiсны ну-  
ны крестсө Сылысь.

Мк. 15,21; Лк. 23,26; Ин. 19,16.

33 И кор воисны места вылас, кодi шусьө  
Голгофаөн, сийө лоө: юрлылөн места.

34 Сэни сетiсны Сылы юны уксуса сөп, Сийө  
видлiс и эз көсийи юны.

35 А Сийос тувъялысьяс, юклiсны паськөмсө  
Сылысь пудъясьөмөн;


36 И сэни пукалiсны и видзiсны Сийос.

37 И пуктiсны гижөд Сылы юр весьтас,  
мыжсө пасийсны Сылысь: Тайө Исус, Иудейса  
Цар.

38 Сэки тувъялiсны кык рөзбойникөс Сыкөд:  
өтисө веськыдладорас, а мөдсө шуйгаладорас.

39 А сэтi ветлысьяс лөк кывъясөн видiсны  
Сийос, ассъыныс юрнысө гогйөдлөмөн,

40 И шуалөмөн: вичко жугөдысь и куим лун-  
өн Вөчысь! Мезды Асьтө Ачыд, Тэ кө Енлөн  
Пи, лэччы крест вывсьыс.



41 На моз аркирейяс гижөдтөдысьяскөд и йөзлөн ыджыдалысьяскөд и фарисейяскөд сералөмөн, шуалисны:

42 Мукөдьясөс мездывліс, а мездыны Асьсө оз вермы Ачыс. Сійө кө Израильлөн Цар, мед өні лэччас крест вывсьыс, и веритам Сылы.

43 Надейтчис Ен вылө, мед öни мездас Сійöс, Енмыслы кө Сійö колана. Öд Сійö шулис: Ме Енлөн Пи.

44 Сідзи жö Сыкөд тувъялөм рözбойникъяс видісны Сійöс.

45 А квайт чассянь öкмыс часөдз лои пемыд став му пасътаыс.

46 И öкмыс час гөгöрын Исус шыасис гора гөлөсөн: Или, Или! Лама Савахфани? тайö лоö: Енмöй Менам! Енмöй Менам! мыйла Тэ эновтін Менö?

47 Кодсюрö сэні сулалысьяс пытшкысь, тайö кылөм бöрын, шуисны: Илияöс корö Сійö.

48 И дзик пыр на пытшкысь öти котöртис, босьтис тшак, и тыртис курыд сöпнас, и бедь йылö сатшкөмөн, сетис юны Сылы.

49 А мукöдыс шуисны: сулавлы, видзöдлам, локтас-ö Илия мездыны Сійöс?

50 А Исус, бара шыасьлис гора гөлөсөн, и лолыс петіс.

51 И со, вичкоын занавес косяссис шöри, вывсяньыс улöдзыс; и вöрзис муыс и потласисны изъяс;

52 И воссисны гуасян гортъяс и уна шойяс ловзисны сöстöма овлысьяслөн,

53 И петісны гуасысь, и Христос ловзьöм бöрын, пырисны сöстөм карö и петкөдчылісны уналы.

54 А сотник и найö, кодъяс видзисны сыкөд Исусöс, муыслысь вөрөмсö и став лоөмторьяссö аддзөм бöрын, ёна повзисны и шуалисны: дзик збыльысь Тайö вөлöма Енлөн Пи.

55 Сідзи жö сәні вöліны и ылысянь видзöд-  
існы уна нывбаба, кодъяс локтісны Исус бөр-  
ся Галилейсянь, Сылы отсасигтырйи;

56 На пövстын вöліны Маръя Магдалина и  
Маръя, Яковлөн и Осиялөн мамыс, и Зеведей  
пиянлөн мамыс.

57 А кор воис рыт, Аримофейысь локтіс Осип  
нима озыр морт, коді ачыс вöлі Исуслөн ве-  
лөдчысь; Мк. 15,42; Лк. 23,50.

58 Сійö локтіс Пилат дінö и корис Исуслысь  
шойсö. Сэки Пилат тшöктіс сетны шойсö.

59 Осип босьтіс Исуслысь шойсö и Сійöс  
гартыштіс сөстөм дөраөн.

60 И пуктіс Сійöс аслас гуасян выль гуö,  
кодöс сійö кераліс изъя бужöдö; и гу öдзöс  
дорас ыджыд из путкыльтөм бöрын, муніс.

61 А Маръя Магдалина и мөд Маръяыс, сәні  
пукалісны гуыслы паныд.

62 Мөд луннас, коді локтö пекнича бöрын,  
чукөртчисны аркирейяс и фарисейяс Пилат  
дінö.

63 И висьталісны: юралысь! миянлы тöд вы-  
лө уси, мый Сійö пөръясьысьыс, кор на вöлі  
ловъя шуліс: куим лун мысьти ловзя;

64 Та вöсна, тшöкты видзны гусö коймөд  
лунöдзыс, медым велөдчысьысыс Сылөн, вой-  
нас локтөмөн, эз гусявны Сійöс и эз шуны  
йöзыслы: ловзис кулөминсьыс; и лоö мед-  
бөръя пөрийөдлөмыс лөкджык воддза дорсьыс.

65 Пилат шуис налы: тіян эмöсь видзысьяс,  
мунöй, видзöй, кызди тöданныд.

66 Найö мунісны и сувтөдісны видзысьясöс  
гу дорас, и пуктісны печат из вылас.

## 28 Юр

1 Субöта кольöм бöрын, вежонса медводдза лунö, югдигас локтисны Маръя Магдалина и мöд Маръяис гусö видзöдлыны.

Мк. 16,1; Лк. 23,56; Ин. 20,1.

2 И со, лои ыджыд му вөрöм, сы вöсна мый Енлөн Ангел лэччис Енэжсянь и матыстчöмөн, путкыльтис изсö гу öдзöс дорсьыс и пукалис сы вылын.

3 Сійö вöли кыдзи чардби, и паськöмыс сылөн еджыд, кыдзи лым.



4 А видзисьясис, сыись повзöмнысла пондисны дзöрны и лоины кыдзи шойяс.

5 Ангел сёрниөн шыасис нывбабаяс динö и шуис: энö полöй, ме тöда, мый тi корсянныд тувъялöм Исусöс.

6 Сійö абу танi. Сійö ловзис, кыдзи висьтавлis; матыстчöй, видзöдлöй куйланинсö сылысь,

7 И öдйöджык мунöй, висьталöй Сылөн велöдчысьяслы, мый Сійö ловзис кулöминсьыс, и виччысьö тiянöс Галилейын; сэнi тi аддзанныд Сійöс. Со, ме висьталi тiянлы.

8 И найö тэрмасьöмөн, мөдөдчисны гу дор-  
сьыс, полігтырйи и ёна долыда котөртисны  
висьтавны Сылөн велөдчысьяслы.

9 А кор найö вөлі мунөні висьтавнысö Сылөн  
велөдчысьяслы, и со, Ачыс Иусу паньдасис  
накөд и шуис: нимкодясьöй. А найö матыст-  
чөмөн, кутчысисны кокъясас Сылы и копырт-  
чылісны Сылы.

10 Сэки Иусу шуö налы: энö полöй, мунöй  
висьталöй Менам вокъяслы, медым мунасны  
Галилейö, и сэні найö аддзасны Менö.

11 А кор найö мунісны, сэки кодсюрö видз-  
ысьяс пытшкысь локтісны карас и висьта-  
лісны аркирейяслы став лоөмторъяс йывсьыс.

12 И найö чукөртчылісны йөзлөн ыджыдал-  
ысьяскөд и сёрнитчисны сетны тырмымөн  
сьөм видзысьяслы,

13 И шуисны: висьталöй, мый велөдчысьясыс  
Сылөн, войнас локтөмаөсь и гусялөмаөсь  
Сійөс, кор ми узим;

14 А та йылысь кө кывсяс юралысьөдз, ми  
сійөс вөйпөдам и лөктор лоөмысь видзам  
тіянөс.

15 Найö сьөмсö босьтөм бөрын, вөчисны сідзи,  
кыдзи найөс велөдісны.

И паськаліс тайö сёрниыс Иудейяс костын өнія  
лунөдз.

16 А дас öти велөдчысьыс мунісны Галилейö,  
гөра вылө, кытчö налы тшөктіс Иусу.


17 И Сійөс аддзөм бөрын, копыртчылісны  
Сылы, а мукөдыс шөйөвошисны.

18 Иусу матыстчис на дінö и шуис налы:  
Меным сетөма вермана став вынсö Енэжыс  
вылын и му вылын.

19 Та вöсна, öни муной став йöзыс динö, олöй Менам велöдöм серти, медым найö окотитисны лоны Менам велöдчысьясөн и медым найö пырисны öтувтчöмö Батькөд и Пикөд и Югыд Ловкөд.

20 И медым найö велöдчисны вöчны ставсö, мый Ме Тшöкті тiянлы, а Ме пыр лоа тiянкөд нэм помасьтöдзыс.

*Аминь.*





ШОР САРИДЗ

Сидон

Сарепта

ЛИВАН ЫБ

ЕРМОН ЫБ

• Домаск

Тир

Кесариа Филипплон

ГАЛИЛЕЯ

Птолеманда

Хоразин

Вифсаида

Капернаум

Галилейса ты

Кармил ыб

Магдал

Гадар

Кана

Тивериа

Наин

ДАСАКАР

Кесариа

САМАРИА

Самариа

Сихем

Сихар

Иордан

Иопиа

Аримофей

Лидда

Ефрем

Вефил

Еммаус

Ерихон

Ерусалим

ПЕРЕА

Вифань

БОЙВЫВ

Азот

Вифлеем

ИУДЕА

Хеврон


Газа

СОЛА САРИДЗ

ИДУМЕА

ПАЛЕСТИНА  
ИСУС ХРИСТОС  
ДЫРЙИ

Масштаб Км





Енэжыс и муыс  
бырасны,  
а Менам кывъяс  
оз бырны.

Мт. 25 : 35

